

414.6  
0365  
:6



明新安休邑後學孫文胤對薇父叅著

古潤外父江東銘懷一父較正

常山縣庠盟弟黃表仁德懷父

蘭陰盟弟方調元善長父全閱

小兒科

男子婦人之病可以問而知可以切而得斷。或生辨。難易。審差。劇猶有所依據。而不至於大悞。若小兒者。懷抱之時。雖有所苦而不能言。及能學語。又不能指。

丹臺玉案

六卷

其苦之處。欲診其脉。則骸骨短小。氣血未足。寸關尺。何以分浮中沉。將何以定。雖有一指滾取。二部之說。而終未得其部位。况至數急促。豈能以悉審之。大約八九至為平。五六至為遲。十一二至為數。依稀彷彿之間而已。故啞科治療之難。每十倍於大人。而尤不可以不慎者也。惟虎口之脉。稍為可驗。其脉在食指外側。每一部一關。三節為三關。男視在左。女視在右。有筋脉如系。映於肉內。仔細觀之。紫則為風。紅則傷寒。青則為驚。白則為疳。黃則為脾困。青黑則為慢。

驚入掌則爲內品。若三關通度爲沉痾之候。惟此可  
以少知之耳。雖然。幼科之治病。當多方求之。豈可執  
虎口之脈法。而盡小兒之諸病哉。必於病之未形。而  
用意察之。庶可以爲預消之地。如小兒呵欠連綿。乃  
兒臟腑受邪。病之漸也。若面赤則知其風熱。而瀉  
肝之劑。可以先服。面青則知其驚風。而治驚之劑。可  
以先服。面黃則知其爲脾虛。而補脾之劑。可以先服。  
多睡則知其爲內熱。而清熱之劑。可以先服。口中氣  
熱。則知其爲傷風。而疎風之劑。可以先服。皆當隨症  
形而先治之。勿俟其發。而後用藥也。其有不治之症。  
者。尤不可以不知。小兒眼上有赤脈。顛腫及陷者。一  
不治也。魚口氣。龕齒咬人者。二不治也。冷汗如雨。  
痰熱不退者。三不治也。癘風撮口。鎖肚吊腸者。四不  
治也。風攻頤頷。脊項腫硬者。五不治也。鼻有黑色者。  
六不治也。哮喘心痛者。七不治也。四肢浮腫者。八不  
治也。胃高而突起者。九不治也。五軟五硬者。十不  
治也。凡見此等之症。卽當去矣。苟不如幾。而復藥之。則  
病者之歎。雖不由於我。我亦何辭於彼哉。夫凡小兒

之病有常。多者不得所慾。則易怒而啼。故肝病常多。飲食不知節。雖飽而猶求食。故脾病常多。心神未定。聞響易動。故驚病常多。性喜吮乳。甘食停積。而易感風熱。故痰病常多。治兒之病。審其所常多者。酌而施之。以已之意。參病之情。亦庶乎用藥之無悞也。然此數種。雖或常有。而肝脾之病尤多。神而明之。存乎其人。得心應手。不可以言求也。

初誕法

小兒在胎。稟陰陽五行之氣。以生臟腑百骸。藉胎液

丹臺玉葉

六卷

三

以滋養。受氣既足。自然生育。出世之時。口含血塊。啼聲一出。隨即嚥下。而毒伏於命門。遇天行時氣。或飲食停滯。或外感風寒。驚風發熱等因。發爲瘡疹。須急於未啼時。用軟帛裹指。空出其血。用黃連硃砂甘草。解之後。出痘亦輕。有嚥入。即時肚脹。嘔吐氣短。不乳者。用茯苓丸治之。但黃連性寒。若母稟氣膏梁積熱者。宜服若滋味淡薄。胎元弱者。又不宜用。硃砂固能解毒。恐金石鎮墜。不若牛黃分許。蜜調與吮爲佳。又有嬰兒。因其難產。或冒風寒。而垂厄者。切不可斷臍。

帶急烘綿絮包抱懷中。急以胎衣置火中煨燒。更用大紙捻於臍帶上往來燎之。使煖氣入腹。須臾氣復自甦。猶戒洗浴。恐勝理不蜜。元氣發泄。而外邪乘之也。

立方

硃蜜法 先以黃連煎湯拭兒口。吐去惡汁。再以硃砂一分研細。蜂蜜少許。抹兒口吮之。鎮心定鬼。安神解毒。

牛黃法 以牛黃二分。硃砂半分。竹葉七片。煎湯調丹臺玉案 六卷 四

灌益肝膽。除煩熱。祛驚邪。辟惡氣。除小兒癩病。

茯苓丸

赤茯苓 黃連 胎冷者易芍藥

枳殼 各等分

右為末。煉蜜為丸。如桐子大。每服一丸。乳汁化下。

護胎法

小兒初生。肌膚未實。宜用舊絮護其背。不可太煖。更宜頻見風日。則血氣剛強。肌肉緻密。若藏於重幃密室。或厚衣過煖。則筋骨軟脆。不任風寒。多易致病。衣服當隨寒熱加減。俾其背煖為佳。亦勿令出汗。恐表



面部氣色舉症

古云小兒爲之芽兒。如草之芽如水之漚。蓋因臟腑脆嫩。口不能言。最難投劑。當首察色而知其所屬。次驗虎口以辨其所因。實爲治法之簡要也。

小兒有病看面部。全依氣色決分明。望聞問切能窮究。臨病方無拘手尋。面部諸般各有屬。眉稜上下俱屬木。左目太陽右太陰。鼻準脾家土。心應唇口兩傍脾所居。兩目頤間腎之墟。額同顴臉屬心火。左頰原來肝所主。右頰脣中是肺基。四時各有

丹臺玉案

六卷

六

一色強。依時無急逆時殃。要分旺相休囚否。盡在人心自酌量。春天青旺亦爲相。黑休白囚黃否家。夏天赤旺黃相吉。青休黑囚白不良。假爲肝病面青時。白色當春未易醫。此是肺金來尅木。色黃又彼脾家欺。心病夏天尚面赤。望色只愁形色黑。此彼腎水尅心火。白色又被肺家屈。肺病愁來面白。宜若行赤色最難除。此因心火尅肺金。青色反令肝作威。腎病面黑各天相。黃色現時多悒快。此乃脾土尅腎水。色赤反致心磨障。脾居四季面形黃。

如遇青色最難當。此爲肝木尅脾土。色黑反使腎家強。春赤夏黃秋黑色。冬青雖相亦無益。從前來者實形傳。實瀉其子平方吉。五臟所屬各一宮。五色分來人不全。色內能分明與滯。據色方能辨吉凶。心赤順時鷄冠色。不宜瘀血糊塗赤。肝形翠羽順光多色。如嫩草安爲吉。脾色貴如蟹腹黃。形如枳實必災殃。肺形獨貴豬脂狀。枯骨定知壽不長。腎色最尚如鳥羽。形如炭煤非吉理。色色去將兩色分。吉凶灼然不虛語。更看人氣清明順。神昏氣餒作凶認。瘦而氣壯色必實。肥而氣怯色必嫩。氣壯則實以安祥。氣怯則虛壽不長。再看得病面如何。發熱額上紅必多。青色現時急驚作。若成昏暗定知殞。額冷足冷夾食驚。額熱足熱傷風重。顛門貴合不宜陷。腫起成坑兩無用。印堂青色驚之疴。紅色心驚白主和。或見微微青紫色。只因客忤驀相過。山根青兮驚爲疾。紫色傷於乳和食。瀉脫宜黃白須成。年壽黃爲吐利基。若成眊白是乎虛。兩頰赤爲啼哭熱。左腮紅是痰氣爲。右腮紅是傷風。

熱面青唇赤傷寒至。面目皆黃濕熱生。面黃弄舌  
 五心熱。兩眉紅主兒夜啼。眉繻頭疼痢疾為。眼脞  
 浮腫主久嗽。病之將瘥目皆黃。淡紅心熱無多說。  
 目多直視乃驚風。赤脉貫睛肝病凶。魚目定睛非  
 吉兆。瞳人中陷夾之宗。

三關觀指舉症

虎口三關左手圖。應心肝。



男兒握拳大姆指於外為順。於內為逆。

虎口三關右手圖。應脾肺。



女兒握拳大姆指於內為順。於外為逆。

魚刺形



青色驚疳。赤身熱。

丹志至玉案

六卷

八

懸針形



青黑水驚赤色肺熱慢驚。

水字形



主咳嗽積滯驚風。

乙字形



主驚色青黑慢脾風。

如環形



主傷食嘔吐。

如鈞形



主傷生冷物。

雙鈞形



主傷寒。

如蟻形



主傷硬米穀物。

曲向外形



主傷風多汗。

曲向裏形



主傷寒無汗。

如蛙形

主脾經濕熱泄瀉



川字形

主食積五臟有病



三關通度形

甲空形

若紋細而紅外並難可救音黑不危



### 三關觀指脈法

陰陽運合男女成形已分九竅四肢乃生五臟六腑。部位既別逆順難明若存寸舌之浮沉必乃橫亡於。孩于須明虎口辨別三關消詳用藥始無差誤。

寢後方將形脈看要分寅卯辰三關男看左手女看右氣寅風卯命辰安紋青枝紫驚為病紋紫枝

丹臺玉案

六卷

九

紅傷寒症紅為米粒肺結熱黑色透辰傷暑論青紋瀉痢胃家寒白色微微卽是疳枝赤涎潮胃痞膈黃紋隱隱困脾端枝形宛為鉤鈞樣傷風傷寒分所向向外傷風有汗形向內傷寒無汗相枝青渾如魚刺形驚疳虛風三部分枝直懸針青黑色水驚肺熱慢脾併枝如水字三關有咳嗽積滯風疳久枝如一字青紅紋總是驚風慢脾疾一曲如環傷食干兩曲如鉤傷冷看三曲長蟲傷硬物雙鉤脈樣是傷寒枝形或似如蛇樣定是脾經濕熱

多亂紋食指如川字。食積相兼五臟疳。

### 臍風撮口

臍風撮口總爲一病。未有臍風而不撮口。未有撮口而非臍風也。患此病者。九死一生。蓋臍命根也。臍爲風所入。命根絕矣。而可以得生乎。求其所屬之經。乃心脾之症也。開口屬心。閉口屬脾。風入於臍。先流於脾。由脾而至。上傳入於心。心爲邪所容。故口不能開。而頰撮也。其發搐者。風使之也。究其病之所由成。有內外因之異。蓋臍帶繫於胞。必其未生之時。其母先

丹臺玉案

六卷

十

感風邪。遺其邪於小兒。謂之胎風。其驚搐者。謂之胎驚。病從內得。故曰內因。其或斷臍之後。包裹失於周密。被窩風入來。及六七日。而臍帶已脫。必成此症。病從外得。故曰外因。有以艾灸其臍。徒苦之耳。竟何益哉。欲求一生於萬死之中。惟下之而已矣。外此更無他法。

### 立方

復生飲 治一切臍風撮口。

牙皂

僵蠶

穿山甲

各六分

麻黃

防風 膽星

半夏各五分 甘草三分

大黃

一錢後入  
畧煎一滾

先卽以此兒脫下臍帶煎五六沸去帶再入前藥煎臨服加入薑汁竹瀝各二茶匙麝香少許調勻徐徐以匙灌之以通利則有生機

又方 前藥不効再服此劑

牛黃

僵蠶

各錢

膽星

八分

麝香一分

右爲末每服五分薑汁調灌下

封臍散 生南星爲末封臍不可再見風

丹臺玉案

六卷

十一

重舌驚口

舌者心之苗也。以爲君火其體本熱而况小兒以純陽之軀先受於胎復感熱於外其母愛惜之至惟恐其寒而又暴之以綿衣覆之以重衾幾何而不爲兒之病哉。重舌驚口之症未必皆兒之自病或者其母有以致之也。古人云若要小兒安常令飢與寒飢則不致於傷脾寒則不致於生熱此保嬰之道乎。所謂寒者亦非使之凍也惟令常溫不至甚煖耳。冷煖得宜豈復有驚口重舌之患耶。然何以各之日重舌重

舌者。舌下腫突。其狀又若一層。故謂之重。非真有兩舌也。何以名之曰鵞口。鵞口者。滿口皆白。有似鵞之口中。俗謂之雪口是也。分而言之。重舌屬心。鵞舌屬脾。合而言之。總為心熱。何者。心統於脾。故曰治於口也。使不由於心熱。則口雖白。而舌自赤。何為而舌上皆白耶。大法內服瀉心清熱之劑。而外敷涼藥。則重者可消。白者可退矣。

立方

清熱飲 治重舌

丹臺玉案 六卷

七

黃連

生地 各一錢 甘草

木通

連翹

石蓮子 各五分

淡竹葉七片。時時灌入口中。

瀉脾飲 治鵞口

山梔

石膏 黃連 各八分 生地

黃芩

白茯苓 各七分

燈心十莖。徐徐灌之即愈。

涼心散 重舌鵞口。皆可吹入舌上。

青黛

硼砂

黃連 人乳 各二錢 煨過

風化硝

黃栢

各一錢

冰片

二分

右爲極細末吹之並治口疳

### 丹毒門

丹毒火症也。得於胎熱。其母受胎之後。不忌胡椒。薑蒜煎熬炙燂。酒麪之類。或感風熱。或不節房事。皆能助火。火邪內攻。胎受其毒。而傳氣於兒。故小兒出胎之後。多有是症。近則五六日。或十日。或半月。遠則彌月之後。或兩三月。其症形不同。或額下如櫻桃突出。色赤而光。謂之赤瘤。或遍身紅點如灑珠。謂之丹疹。

丹臺玉案

六卷

三

或遍身紅腫。熱氣如蒸。謂之火丹。或小腹踈上陰囊等處。忽然紅腫如霞。流行不定。謂之赤遊丹。病名非一。總爲丹毒。丹毒入腹。腹脹不飲乳者。必於未入腹之時。急服退毒涼劑。外用小刀輕輕刺出惡血。猶有可生。其入腹者。無如一瀉。間有瀉而得生者。乃千百中之一也。諸丹毒。惟赤遊丹爲至危。善保嬰者。若見小兒多啼多哭。多乳。則遍視其身上。一有紅色。卽急治之。苟看視不周。丹毒在身。而母猶未覺。及至覺時。已入腹矣。救之奚及。丹毒惟絲癩不治。因久服熱。

藥遺熱在胎。非藥所能解也。

立方

解毒湯 治小兒一切腫硬嫩赤諸般丹毒初起即

服立愈。

黃芩

黃栢

黃連

各一錢

甘草

連翹

天花粉

皂角刺

各五分

竹葉十片不拘時呷之。

化毒飲 治火丹遍身紅腫。

赤芍

當歸

甘草

大黃

各八分

丹臺玉葉

六卷

五

水煎不拘時服。

防犀飲 治丹疹遍身如洒珠者。

防已

三錢

朴硝

犀角

黃芩

黃耆

升麻

各八分

澹竹葉十五片煎服。

消毒飲 治五種丹毒。

鬱金

天花粉

乾葛

各一錢二分

甘草

赤芍

各八分

燈心二十莖不拘時服。

搽毒散 多年胞衣化開。同金汁塗之。神效。

又方 綿羊腦子。同朴硝研貼患處。并治赤瘡神効。

十種丹毒。三日不治。毒入腸胃。則不可救。治法

錄後

一從頭項起腫。用蔥白研汁塗之。二從頭上起紅

腫痛。用赤小荳末。鷄子清調搽。三從面起紅腫。用

麤心土。鷄子清調搽。四從背起赤點。用桑白皮爲

末。羊脂調搽。五從兩臂起赤腫黃色。用柳葉燒灰

水調塗。六從兩脇起虛腫。用生鉄屑和猪糞調搽。

丹臺玉案

六卷

五

七從臍上起黃腫。用檳榔末。米醋調搽。八從兩脚

起赤腫。用乳香末。羊脂調搽。九從兩脚有赤白點。

用猪槽下土。麻油調塗。十從陰上起黃腫。用屋漏

處土。羊脂調搽。

中惡門 天吊 客忤 夜啼

中惡。天吊者。爲惡鬼之氣。所中兩目上攏。吊起而不能睜也。此因胎氣不足。精神失守。虛之所在。邪必勝之心。虛則神走。肺虛則鬼亂。肝虛則鬼亾。脾虛則意擾。腎虛則精乏。而鬼得以犯之矣。其症面白帶青。或

土色。目睛上視。口吐白沫。手足拘攣。身冷如冰。有似於驚風。而實非驚風也。又有所謂客忤者。非中惡之謂也。乃偶見生人異物。卒然驚駭。啼哭不止。心志恍惚。聞響即跳。常欲躲避之狀者是也。如為所忤。犯故為客忤。豈以客為鬼乎。又有所謂夜啼者。非客忤之謂。乃心經受熱也。其症至夜即啼。百計安之而不能止。蓋心為君火。而主於血。夜則血歸於肝。而心虛火熾。故煩燥不寧。而多啼也。

立方

丹臺玉案

六卷

七

定神散 治中惡天吊。

扶神

遠志

膽星

麥門冬

各五錢

石菖蒲

二錢

琥珀

一錢五分

右為末。每服二錢。滾湯調下。

抱龍丸

治中惡天吊。夜啼客忤等症。每一丸薑湯

下。方見驚風門。

安魂湯

治客忤立効。

棗仁

扶神

遠志

各一錢

當歸

膽星

各七分

燈心二十莖煎服。

保安丸 治夜啼。

人參 麥門冬 黃連 茯苓

龍齒 遠志 各五錢 硃砂 一錢五分 金箔 二十片

右為末蜜丸。朱砂金箔為衣。每服一丸滾湯化下。

吐瀉門 附食積傷食

小兒吐瀉交作。人皆以為脾胃受寒不能容飲食。故上則為吐。下則為瀉。此據其病形而言耳。而不知脾胃受寒者。止於腹中。便便作痛。或微洩。或吐痰涎而

丹臺玉案 六卷 七

已。其勢殊無可畏。至於大吐大瀉。一時發越。津液頓。亾。面目乍瘦。豈受寒之為病哉。必是平素先傷飲食。鬱蒸作熱。蓄之既久。將發未發。一感外之風勢。勢不可遏。故攻擊臟腑。一齊而至。遂令小兒困憊。當此之時。若以為吐瀉空虛。即投補劑。盡溫熱之藥。立見危亾。慎之慎之。吐。有吐而無瀉。或有瀉而無吐者。乃有寒熱之參。臭而苦者熱也。清痰則非熱矣。瀉臭穢而不可近者熱也。

立方

藿半散 治小兒吐酸苦者。

黃連薑汁炒 半夏薑製 藿香各五錢 白茯苓

砂仁各三錢

右為末每服二錢不拘時薑湯調下。

安然湯 治吐清痰者。

白豆蔻 蘇子 藿香各一錢 膽星

陳皮各八分

生薑五片不拘時煎服。

霞齡散 治小兒吐瀉交作。

丹臺玉案 六卷

木瓜 厚朴 砂仁 藿香各五錢

木通 白扁豆 黃連薑汁炒 白芍

廣木香各三錢五分

右為末每服二錢白滾湯調下。

和脾溫胃散 治小兒瀉利清水不止。

陳皮 蒼木 白木 白茯苓

甘草 防風各五錢 肉桂二錢

右為末薑湯調下一錢。

消滯調脾飲 治小兒泄出臭穢之極。

陳皮

滑石

黃連各八分

神麴

麥芽

白芍

車前子

澤瀉各六分

生薑三片不拘時煎服

香橘丸

治吐瀉或食積所傷肚腹作痛脾胃不和

蛔蟲上行並皆治之

橘紅

茯神

青皮

麥芽

厚朴

山查各二兩

砂仁

三稜

神麴

人參

澤瀉各一兩

甘草五錢

右為末蜜丸如龍眼每服一丸薑湯化下

丹臺玉葉

六卷

十九

附食積傷食

消磨散

治小兒諸食所傷以致肚腹膨脹面色黃瘦

瘦

蓬朮

三稜

陳皮

山查

草菓

去殼各一兩

右為末每服二錢薑湯調下

針砂丸

治小兒腹中食積成塊堅硬如石作疼痛

塊身面俱黃肚腹脹大

針砂

四兩蝦紅醋淬七次

使君子

肉

三稜

各二兩

草烏一兩去皮醋煮

南木香 皂麻煨乳

鷄肫皮各二兩炒

蝦蟇蛆 蘆薈各二兩五錢

右爲末以練樹皮煎湯爲丸如菘荳大量兒大小或三四五六分臨睡苦茶下

運脾飲 治小兒飲食所傷腹中作痛脾氣不調

香附 蘿蔔子 陳皮 山查各六分

廣木香 白朮 青皮 丁香各四分

生薑二片不拘時溫服

驚風門

丹臺玉案 六卷

二

夫風一也在大人則爲中風在小兒則爲驚風大人無驚故名之曰中小兒易驚且易惹風故以驚各而兼乎風也驚之有慢有急猶風之中腑中臟急驚與中腑同謂之陽症而症俱在表慢驚與中臟同謂之陰症而症俱在裏治者能辨其陰陽表裏而治之斯可以無悞矣蓋急驚之症其身常熱其眼常開手足直跳頭項強直痰涎壅盛啼叫哭泣煩燥不寧者是也慢驚之症身常不熱眼常半開手足微掣精神倦形體若呆大便或洩者是也又有慢脾風者虎口

紋青紫色。或黑色。隱隱相雜。似出而不出。手足不動。遍身皆冷。兩眼常合。不能啼哭。症若至此。無復救矣。慢驚病根。固有淺深。而亦可以施治於萬一之中。若因急驚。而變慢驚。或因吐瀉。而生慢驚。則難治矣。因慢而成慢脾。或因吐瀉。而致慢脾。則不治矣。大抵驚屬於心。風屬於肝。心火動。則振跳。而不可遏。肝氣發。故搖擗。而不自持。二經相助。其勢必盛。心火有餘。則火熾。而風益猛。是風從火出也。肝有餘。則風狂。而火益旺。是火從風熾也。風火齊發。故可畏。此特以急驚

言之耳。而慢驚慢脾。又兼脾虛與寒。勢若稍緩。而及深焉。然以其病之可生可死。而細分之。則各有所屬。非謂止於心肝二經。而不入於他經也。是故不時吊眼者。驚入於肝。夢中咬牙者。驚入於腎。夜啼至晚者。驚入於小腸。喉中如鋸者。驚入於大腸。面青下白。驚入於膽。氣喘吸水者。驚入於脾。不時乾嘔者。驚入於胃。睡中驚哭者。患在三焦。此皆可生之症也。至若瓜黑者。爲肝絕。瀉黑血者。爲心絕。日多盜汗。者爲胃絕。忽作啞聲。爲肺絕。咬人者。爲骨絕。眼半開半合者。爲

腎絕。口鼻乾黑者為脾絕。驚風患此七絕。其兒何能  
得生耶。

立方

秘寶萬靈丹

治急慢驚風。慢脾風。垂危者。一九立

愈。

牛黃

硃砂

礞石

稍煨

蛇含石

各五錢 煨醋淬

礪蠶

全蝎

膽星

半夏

薑製

茯神

各一兩

麝香

三錢

金箔

銀箔

各八片

皂角

麥門冬

各一兩五錢 煎膏

丹臺玉案

六卷

主

右為末。以皂角麥冬膏為丸。如櫻桃大。金銀箔為衣。每服一九薑湯化下。

鎮驚丹 治急慢驚風。發喘痰盛。或咳嗽。并痰迷心

竅。不能言語。

南星

薑汁炒

防風

枳實

麥麩炒

天麻

甘草水浸煨

半夏

薑製

桔梗

各二兩 四錢

熟大黃

九蒸 九曬

生大黃

礞石

用生各一兩

巴荳霜

去油淨 二錢

辰砂

雄黃

各四錢

右為末。蜜丸。如粟米大。量小兒大小。或三四分。薑

湯下。有風寒蔥湯下。

抱龍丸 治驚風發搐或風痰身熱。

膽星 琥珀 雄黃 硃砂 各五錢

天竺黃 全蝎 各六錢 麝香 一錢 甘草 二兩 煎膏

右為末。甘草膏為丸。如芡實大。每服一丸。薑湯化下。

下。

保嬰秘効散 治急慢驚風。或胎驚。臍風。撮口。天吊。

夜啼。奇恠異症。

牛黃 一錢 膽星 琥珀 珍珠 各一錢五分

丹臺玉案 六卷 三三

滑石 茯神 遠志 各二錢 麝香

硃砂 各六分 大黃 九蒸九曬五錢

右為末。量兒大小。四五分。燈心湯調下。

聚寶丹 治慢脾風。神効。

人參 五錢 白茯苓 琥珀 天麻

膽星 防風 各八錢 全蝎 三錢 礞石

白附子 烏梢蛇 硃砂 各二錢 麝香 一錢

右為末。蜜丸。如芡實大。每服一丸。薑湯化下。

至寶湯 治一切驚風等症。

天麻

膽星

白附子

陳皮

各五分

礬蠶

鈎藤

白朮

白茯苓

各三分

甘草 一分

生薑二片不拘時煎服

疳積門

小兒疳症大抵多是過食甘甜味膩之物停積於脾不能消化則變而為疳疳者甘也脾喜甘而凡屬於甘者其味皆屬於脾從病從甘故名曰疳其症身體常熱形容黃瘦小便如泔肚腹膨脹毛髮黃腫臉多

丹臺玉案

六卷

三

白印惡心欲吐飲食不為肌膚或頭面頭上多生瘡癢而疳之大槩有如此者此脾之症也脾先受病傳於他臟故有五疳之名焉在心則為驚疳在肝則為風疳在脾則為滾疳在肺則為氣疳在腎則為急疳五疳分屬五臟而其為病亦未盡同悉而言之則渾身壯熱四肢無力面黃臉赤怕寒愛煖口臭乾燥者因驚撲而成所謂驚疳是也搖頭揉鼻白膜縵眼揩磨多淚面有青色體渾瘡癬毛髮焦豎者豎感風而成所謂風疳是也食物難消愛食泥土腹大有筋頭

髮稀疏。喘息呵欠。無歡欲啼。痢多酸臭者。因傷食而成。所謂滾疳是也。多啼噉逆。鼻頸生瘡。昏昏愛睡。體瘦腸滑。四肢軟弱。面色帶白。瀉濃吐血者。因傷氣而成。所謂氣疳是也。瀉痢兼作吐逆。脫肛。身體壯熱。手足偏冷。飲食不進者。病勢已急。所謂急疳是也。五疳之症。惟急疳為難療。以其腎氣不足。土來尅水故也。要而言之。總歸於脾。脾上一虛。則不能攝五臟之氣。故其傳變。至於如此耳。

立方

丹臺玉案

六卷

五

保命丹 治諸般疳積神効。

大蟬

二隻剖開。砂仁。胡黃連。各五錢。裝入縫好。外以泥裹煨紅取出。

皂角

二枚煨灰存性

蛤粉

三錢 麝香 二分

使君子肉 一兩

右為末。以神麪打糊為丸。如粟米大。每服一錢。薑湯下。

肥兒丸

治疳積。肌肉消瘦。肚大筋青。飲食不思。或

泄瀉口渴。

黑蟬

以大者不拘幾隻。放深缸中。取糞坑內蛆淘淨。倒其缸內。任從自食。待五日瀉出糞。

永取。起。倒掛陰乾。  
灸脆為末。三兩。

人參 一兩 白朮

砂仁 使君子肉

山查肉 各一兩  
五錢

宣黃連 胡黃連

白茯苓 蘆薈 蓮子 各八錢

右為末。陳米糊為丸。每服一錢。米飲化下。

鷄肉丸 治疳癆壯熱。形體羸瘦。眼閉不開。四肢漸

小肚腹漸大。

黃連 薑炒 柴胡 鶴虱 秦艽

知母 酒炒 黃芩 酒炒 使君子 炒 蘆薈 各一兩

丹臺玉葉 六卷 二美

蕪荑 五錢

共為末。用黃雌鷄一隻。以大蘆子飼之。七日。縊死。去毛淨。尾上開一孔。取腸洗淨。拭乾。入前藥末於內。縫密。以小甌先用黑豈舖底。安鷄上。又以黑豆蓋之。厚三寸。蚤晨蒸至晚。俟冷。去骨。搗爛為丸。如乾。加酒少許。丸如麻子大。每服十九。五歲二十九。量兒大小加之。白滾湯下。

鷄肝散 治疳積。眼目不明。翳膜。朦朧。

雄鷄肝 一 威靈仙 白土 各二錢 為末 即打米光粉。

右鷄肝同二末煮熟。只食肝。每日一箇。七箇全愈。  
瘡疾門

小兒瘡疾不外乎風痰與食。無食不發熱。無風不作寒。而痰食風之所成也。外感風寒。則手太陰肺經先病。肺主皮毛。故風易入。內傷飲食。則足太陰脾經先病。脾受有形。故食多則傷脾也。脾氣不清。則生痰。脾土受傷。則裹痰。故痰者風食之所成也。無痰則不成瘡。故寒熱作焉。要而言之。風雖屬肺。食雖屬脾。而風食之所藏。又近於膽經。故作寒熱。蓋膽經為足之少陽。其位在半表半裏。是以寒熱往來也。大率寒多則為風。熱多則為食。寒熱相半。則風食俱多。治此病者。惟消食疎風化痰而已。然消食必兼疎風。疎風必兼消食。而消食疎風必兼化痰。蓋三者不全。則不能成瘡。故宜兼用。但量其所屬輕重可也。

立方

疏脾飲 治小兒因風成瘡。

紫蘇

柴胡

半夏

防風

青皮

厚朴

川芎

各五分

生薑三片。不拘時熱服。

檳陳飲 治小兒因食成癧。

山查

青皮

草菓

各八分

檳榔

枳實

半夏

柴胡

麥芽

各六分

生薑三片。空心煎服。

平妥飲 治小兒痰癰來時作嘔。

半夏

貝母

橘紅

柴胡

各七分

黃芩

草菓

白朮

枳殼

各五分

生薑三片。不拘時熱服。

丹臺玉案

六卷

三

驚甲飲 治小兒久瘧不住。

何首烏

驚甲

酒炙

當歸

白朮

人參

黃芩

各八分

黑棗三枚。空心煎服。

痢疾門

凡瀉在脾而痢在腎。故先瀉而後痢者。則曰脾傳腎。為賊邪。其病難愈。先痢而後瀉者。則曰腎傳脾。為微邪。其病易愈。此前人之說也。以愚論之。瀉為在脾不暇言矣。而謂痢為在腎。不能無議焉。瀉固多由於飲。

食而痢獨非飲食之所傷乎。飲食停積。因濕熱而化。遂爲稠濁膠固於腸胃之中。欲下不下。是以有裏急後重之苦。明是脾經之病矣。而顧以痢屬於腎者。何所謂歟。吾未聞飲食之入。不由於脾。而反由於腎也。大槩謂之腎病矣。然治痢之藥。悉用蒼朮厚朴黃連木香白朮陳皮之類。並未有用杜仲黃栢牛膝地黃補腎等藥。治腎之疾。而乃用脾家之劑。必其非腎病故也。要之先痢後瀉而易愈者。以其積滯已盡。而脾尚虛也。豈腎傳脾之謂耶。先瀉後痢而難愈者。以脾土已壞。而積滯方壅也。豈脾傳腎之謂耶。腎能藏精。不能藏飲食。若以痢屬於腎。則飲食皆藏於腎矣。豈理也哉。大約治痢之法。與大人無異。但下痢純血者。在大人則爲難治。在小兒則爲食積。而無所妨。而治小兒之痢。又宜多以消積爲主。其詳具大人痢疾門。不復細贅耳。

立方

通快飲 治小兒痢疾始發

山查 一錢

麥芽

蒼朮

萊菔子

枳實

木通

各七分

大黃

檳榔

各一錢二分

生薑三片。不拘時熱服。

金寶散 治小兒赤白痢疾。肚腹作痛。裏急後重。

廣木香

黃連

酒炒

陳皮

各三錢

肉豆蔻

麩包煨

厚朴

炒

車前子

各二錢

白木

山楂

蒼朮

各一錢

右為末。每服一錢五分。空心燈心湯調下。

歸芍飲 治小兒痢疾。久不肯住。

人參

白木

白芍

白茯苓

丹臺玉案

六卷

三

柯子肉

各五分

烏梅

半箇

黃連

厚朴

肉荳蔻

柴胡

各六分

黑棗二枚。空心煎服。

傷風門

傷風之症。頭疼身熱。鼻塞氣喘。噴涕呵欠。呻吟不絕。見風便怕。灑浙微寒。與大人傷風無異。若挾食。即吐食。挾痰。即吐痰。藥劑比大人所服者。宜減一半。不論有痰。有食。否。常須兼用清痰消食之藥。蓋小兒易傷食。而熱則生痰。故劑中宜畧用輕輕疎解。令汗微出。

爲度。稍加清熱則愈矣。蓋風邪客于腠裏。非疎解則不能愈。非清熱化痰則小兒亦未易安也。症雖與大人無異。然亦不能無少差耳。

立方

加味香蘇散

川芎

紫蘇

防風

荆芥

香附

甘草

羌活

白芷

各三錢

葛根

前胡

各乙錢

蒼朮

天麻

黃芩 各八分

丹臺玉案

六卷

三十一

右加葱頭十枚。生姜三片煎服。以被覆取汗爲度。如或消疾或消食。以此方爲主。隨症加減。不得一

一詳贅矣。

或荆防敗毒散

方見傷寒門

咳嗽門

有聲有痰者。名曰咳嗽。究病之所由成。皆由火之所致。然未始不由于外感也。是故或傷于風。或傷于寒。熱種種不同。內外夾攻。其所由來者漸也。然咳嗽之名。非一名所能悉。病有數端。詳載于咳嗽門矣。症雖

與大人無異。而所感畧有不同。大人兼七情所傷。或任勞嗜酒。而小兒無是。是以不能無少異。耳藥劑以輕清為佳。而服藥亦不宜太驟。當逐時進之。不必盡

報

立方

平肺飲 治感風邪咳嗽痰多瀉漸惡寒

陳皮

前胡

桑皮

薄荷

防風

各五分

瓜蒌仁

蘇子

桔梗 各四分

生薑三片煎服

丹臺玉案

六卷

三十一

涼肺湯

治肺熱咳嗽痰盛音啞

黃芩

貝母

天花粉

枳殼

各七分

橘紅

山梔

桔梗

麥門冬

甘草

各五分

燈心三十莖食遠服

定嗽湯

治小兒肺有寒痰咳嗽并作氣喘

款冬花

杏仁

橘紅

各八分

桑白皮

桔梗

枳實

各六分

瓜蒌仁

膽星

各五分

生薑三片不拘時煎服

八卦部位舉症圖



中央戊己  
工陳黃無  
辛苦若見  
紫黑色便  
是木來尅

八卦舉症歌

乾宮屬大腸。稠密背受殃。糞門多癢塌。宜服保元湯。  
坎宮屬腎水。稠密陰疔起。腎脬似火燒。七日歸泉裏。  
艮宮屬腎經。梅花甚不仁。若加紫黑色。八日落牙根。  
震宮乃肝木。宜大不宜三。如品如串樣。十四日歸山。  
巽宮屬小腸。稀疎宜帶黃。若還梅品赤。淋閉還不妨。  
離宮屬心火。蟻形甚不可。四肢不容針。遍身無你我。  
坤宮屬命門。生歿在其中。稠密終不好。疎朗亦無凶。  
兌宮屬肺金。更多我不驚。若還無空地。智背反相因。

丹臺玉案

六卷

三十三

耳紋看法一見吉凶皆知

耳紋圖



歌曰

耳後筋紋淡淡紅。疎疎磊磊決無凶。若然紫黑青白  
色。任是軒岐枉費功。

耳後紅筋赤一條。又無枝葉上面高。將來必主心經  
痘。頭面若稀不必憂。

耳邊紫黑魚刺形。紛紛却向裏邊行。將來必主肝經  
丹臺玉案 六卷 三五

痘。滿身班黑入朝真。

耳後蒼筋痘主稀。頭大尾尖人不知。將來必主脾經  
痘。向外排行疎更奇。

耳後淡白亂如麻。紛紛俱往外頭肥。將來必主脾經  
痘。形如蠶種七朝嗟。

痘疹忌觸十四款

腋下狐臭氣。溝渠濁惡氣。房中淫液氣。婦人經候氣。  
諸般白腥氣。酒醉葷腥氣。硫黃毒藥氣。麝香臊穢氣。  
痰汗蒸濕氣。悞燒頭髮氣。魚骨腥臭氣。蔥蒜茱萸氣。

治痘總論秘訣

痘之發與雜症不同。雜症只在一經。痘則五臟之症俱見。古云似傷寒者亦大槩言也。寒由外入。痘自裏出。故惡寒無汗。頭痛脊強。左額青紋。面色慘而不舒。此傷寒之所有。而痘症之所無也。兩眼含淚。鼻氣出。龕睡中微驚。耳紋現。惡熱不惡寒。此痘症之所有。而傷寒之所無也。五臟症已詳。

凡初熱時睡中微悸。鼻氣出。龕斯二者僅可作痘症。驗有云。中指獨冷。耳尻冷等說不必信。痘者豈也。肖其形則生。不肖其形則死。形之不肖。元

神竭矣。尖圓而凸。周淨而聳。形之有神者也。如楚如沸。如疹如疥。如蠶種如蛇皮。如蚊跡如蚤斑。如湯泡如火刺。形之無神者也。形而無神。可冀生乎。至如色也。欲如春花之在露。不欲如秋草之經霜。紅白兩分。明潤光活。色之有彩者也。如膩粉如枯骨。如紅米飯。如豬肝色。色之無彩者也。形不有神。色不現彩。生意可知矣。嗚呼。神彩其生歿之門戶也。

凡看痘。先看元氣。痘兒元氣。非有非無。唯心領音分耳。已如形色。初善而終變惡者。元氣內竭也。形色初惡而終歸善者。元氣內強也。元氣本也。形色末也。故善者必求本。

人知痘藉氣血。不知痘之所藉。尤有超於氣血者。元氣是也。蓋元氣盛。則氣血流通。而領遂有負戴並行。祛毒痘必應期而開落。元氣一虧。則在外者內不續。在內者外不固。毒肆妄行。或出或入。而爲外剝內攻矣。調養真元。補益氣血。誠治痘完策。不得已而欲攻。

丹臺玉案

六卷

三美

他症中病卽已。經曰常毒治病。十去其八。無毒治病。十去其九。

夫包血成圓者氣也。氣能拘血制毒。則痘窠必圓。尖而周淨。附氣成暈者血也。血能附氣制毒。則痘暈必光明而紅活。頂陷者氣之虛。塌陷者氣之離。暈枯者血之虛。根散者血之離。圓也。暈也。氣血之所爲也。而所以成圓成暈者。氣血不得專主也。

根窠者。血之暈。膿者。血之腐。故六日之前。專看根窠。無根窠。必不貫膿。六日以後。專看膿色。無膿色。必難。

收靨此理也勢也。

無形者依有形。有形者附無形。互相依附。固天地之道。亦氣血之道也。氣之離。不由血之散乎。故自氣血交後。常規根窠為憑準。麓紫紅活。生意沛然。若微細而不現。不斂。且黯淡。則氣將飛去。而必不克制毒矣。是故內攻根散者。死。內攻而根血猶附。非毒作楚。必三因致之。頂白根紅。氣血分也。在四五日間。不分則後。必作癢。頂冲根附。氣血交也。在六七日不交。則後必有變。至是而根白地清。起勢勃勃。可不藥而愈。若

丹臺玉案

六卷

三七

深紅壯熱。疔將作也。四日用清。六日用補。乃治常痘繩墨。

氣血有常。而不能盈於常。而能自虧於常。然亦有盈者。何也。毒壅於氣。火搏於血耳。班者血有餘也。泡者氣多甚也。經曰。邪氣甚則實。精真氣奪則虛。凡形色大惡。氣血不交。聚不成。似為痧症。若精神爽朗。便食如故。而天庭上有一二顆悅目者。猶可發毒。作臭爛而愈。何者。毒在外不在內故也。

毒停肌肉則發腫。毒滯皮膚則作臭。肌肉陽明主之。

屬土。皮膚太陰主之。屬金。癩腫土象。腥臭象金。亦各從其類也。

書謂紅班生紫班者死。黑班藍班百不救一。亦有紅死而紫班藍班得生者。班血熱也。失於解利則發班惡痘。班出勢所必然。無論顏色。

但天庭疎朗形色善而班出。又當別論。昔一班症諸醫莫治。召予視之。已七日矣。班分上中下。上紅班中紫班。下青班。視其痘則綻凸疎朗。內含清水。色雖黑黯。而精神爽健。視唇舌則多苔燥。予曰。失解故也。進

丹臺玉案

六卷

三天

以清涼自愈。後果然由是。書不可拘也。察形色驗唇舌。是準疔之結也。亦熱毒壅甚。失於解利。內不能入而結。隨道空隙之所。惡痘疔結。逆轉為順矣。但結前後心者死。結耳門喉下者死。辨疔有法。慎無以黑毒作疔。黑痘猶痘也。疔則陷入肉中。形如螺蓋。捏之有核。割不知痛。其白根或長寸許。醫多誤認。歷後疔爛。生肌散治之。

痘之所恃者。血為養而氣為充也。故眼鼻必欲封合。眼合則神不馳。鼻封則氣不逐。神氣內榮而毒不為。

制伏者鮮矣。抑又有微甚塞而有涕。美之徵也。鼻寒而竅外乾黑者死。封而有淚生之兆也。眼封而沿眶塗煤者。死。眼封當在五六月間。若未腫過而封後必有眼疔。痘少者不封。或封而纔靨即退。

氣血之分。猶清濁之本乎。上下也。氣血之交。猶陰陽之互爲依附也。當分不分。毒結之。當交不交。毒隔之。知升陽散鬱。何不分之患。知清熱解毒。何不交之患。痘之形症有四。曰毒壅。曰血熱。曰氣虛。曰血虛。又虛實有四。表裏虛實是也。見點稠密。形不尖聳。色慘黯。

丹臺玉案

六卷

三九

而皮間欲出不出。此毒壅也。見點深紅而漸變紫黑。夾疹夾斑。血熱也。頂陷皮薄平塌不振者。氣虛也。色淡根散。或痘色與肉色無異。血虛也。身微熱而有汗。曰表虛。壯熱無汗喘促面浮。皮毛焦。肌膚痛。表實也。精神困倦。唇舌淡白。曰裏虛。狂亂氣甚。渴飲善食。唇燥而舌見黃白苔者。裏實也。毒壅也。血熱也。同爲表裏之實。血虛也。氣虛也。同爲表裏之虛。此又一而二。二而一者也。壅者疎之。熱者涼之。虛者補之。實者瀉之。不實不虛。以調之。明此八者。思過半矣。雖然辨

寒熱虛實。尤當用舌作綱領。

大都症候相似。氣運使然也。彼與此一般。症狀無殊。非氣運而何。故乾涸者。火鬱勝。吐瀉而肉腫者。土鬱。勝。枯燥喘促。金鬱勝。彼此凝伏。水鬱勝。鬱而不出。木鬱勝。火則清之。土則平之。金則潤之。水則溫之。木則發之。書云。責之於症。求之於經。其此之謂乎。

諒形體用藥。上工也。小兒臟腑。易虛易實。體實劑過。猶爲之損。況弱乎。凡痘極光澤。極榮灌。至回謝日。而忽變逆。誰之咎欤。形體素虛。理宜補益。不察而愛行。

丹臺玉案

六卷

四

攻劫。使人元氣一驅而出。外雖榮灌。內實耗靈。欲不灰者得乎。諒形體者。非泥於形。而審形形之神也。痘陷有五。有白陷。有紅陷。有灰陷。有紫陷。有黑陷。皆責氣虛。而後人責以用補。誤矣。彼之論陷。有深究其源。唇舌滋潤。身不壯熱。唯痘色遷變而陷。故責以氣虛。若唇燥舌苔。壯熱燎人。焦紫其色。而凹陷不起。果虛乎。抑毒耶。妄執補益。猶按圖索驥耳。予治陷不然。有外實則解之。有內實則清之。下之。內外無症。則平劑以調之。不惟治陷。卽始終亦然。藥隨舌轉。症由舌痊。

嗚呼。吾之功大矣哉。

吾通五內人知之而莫之用。不由指示。臨局必迷。孰知此乃用藥樞紐也。藥有寒者。涼者。溫者。熱者。冷之。樞紐在手。則縱橫顛倒。一自我出。而是非。而利害。皆置勿論。且易虛易實。小兒也。使無定見。而謂不枉人命。吾未知前信。

治痘有四節。次務要不紊。紊則氣血顛倒。火毒肆虐。而諸症蜂作矣。故驚者。狂者。吐者。瀉者。斑者。疹者。腰疼。腹痛者。肉腫。痘不腫者。水瘡。錯喉者。皆當發不發。

丹臺玉案

六卷

里

毒鬱三焦。傳滯氣道也。焦紫者。枯黑者。渴者。燥者。發疔毒者。胃爛。口臭者。皆當清不清。陽明內熱所致。當補不補。則爲白陷。爲泄瀉。爲癢塌。爲倒靨。外剝內攻。中氣虛也。

當滲泄不滲泄。則反壯熱。或少食。或瀉不止。或肌肉作瘡。瘡而疔爛。何者。脾濕內淫也。

標離而異。本合而同。藥當其節。變症息矣。不應四法。必三因乘之。六氣外襲。爲外因。驚惠內動。爲內因。調

失宜。爲不內外因。四法正也。三因奇也。奇正互用。

兩得之矣。

治痘症。不治雜症。萬古秘論也。雜症有日。痘症止。兩  
七耳。且痘中之症。緣失治而作。今猶治症。不治痘。將  
症愈甚。而痘愈憊矣。

發熱三日訣

夫痘不熱不發。猶五穀之不熟不結。身有熱也。乃毒  
與時氣相觸。而動內傳百脉。外注皮膚。痘未見而先  
兆。此乃必至者。但熱有輕重。毒輕則藉輕。毒重則熱  
重。又有熱五六日出者。有熱一日即出者。太過則正

丹臺玉案

六卷

聖

不勝邪。愆期則氣血凝滯。唯三四日身涼。痘出爲正。  
凡發熱肌膚溫平。潮潤。脣舌滋潔。無苔。聲音清亮。睡  
中微驚。便食如故。或少食。貪睡。皆吉兆也。重則反是。  
一發熱。即脣裂。舌坑。煩躁。狂亂。口渴。惡寒。兩耳灼熱。  
兩睛紅。二便結。方內加玄明粉。或千里馬。下之。惡熱  
者。單下。以苦爲增減。不可拘在初熱。當發之說。此亦  
百中一二。又毋執以爲常。如脣舌滋潤。雖見惡症。切  
不可妄下。損人。

發熱時。腹疼。腰痛。四肢酸痛。皆重症。若表過痛止者。

吉痛加甚者凶

發熱吐瀉切不可行止法惟吐瀉酸臭可加消導藥佐之是傷食也驚發痘前者吉何也由驚陽症痘屬陰陽被陰冲則壅遏之患息故吉照前加減治之母服驚藥誤服而水其毒釀害匪淺亦有驚即死此必中惡

發熱時譫語顛狂見神見鬼躁亂不寧是熱甚失表外邪內毒兩相搏激也重發之則愈舌見黃苔非下不可

丹臺玉案

六卷

四三

凡臟腑鬱毒非微汗則不解故一發熱必用汗藥也身熱四五日不退者知毒猶在內務要熱退爲佳身熱四五日不退痘影焦紫鬱鬱不出此必寒氣外鬱閉寒鬼門也令服驚蟄丸發出臭汗則熱自退痘自出也

一發熱頭面中有大痘數點餘不出復不除熱此名曰報痘急用銀針剔破不去則領敗正氣爲雷連之禍

初發熱即頭溫足冷不渴大便溏面脫白或瀉痢清

食不化虛症也

凡熱時燈照肉內有隱隱紫紅塊者重面紅脣白亦重再加形色不善死必矣九竅流血者死目閉無覓舌黑聲啞胃高而凸掌文出血皆死症不治

見點三日訣

見點三日。死生判矣。斷於此時。方稱高列。關竅。唯面部為喫緊。面者諸會之首。天庭印堂尤面部最緊要者。天庭為看痘把柄。何者元神所歸也。元神者元氣也。小兒出痘不過氣血毒三字。氣血又元氣所統也。

丹臺玉案

六卷

四

元氣勝毒。開落應期。毒勝元氣。內攻外剝。毒既勝矣。又安望元氣之復勝哉。故此處先見先起。先貫先靨。密而癢。慘而黯。皆死症也。毒從虛發。信矣哉。

凡見點磊落。摸得礙手。色潤澤。眼部以下先見身熱。漸退吉症也。磊落礙手。稀而有神者也。色潤澤。謂有彩也。天庭後見元氣固也。反是者逆。

痘初出時三五相連者。後必密。單見者稀。毒之淺深。於此預見矣。

形屬氣色屬血兩者均可驗吉凶。決生成人何專言。

血而不及氣。氣無形難知。血有色易見。故見點三日。色如猪肝者。死。如紅米飯者。死。如洗過舊紅絨者。太重。雖然面部上有數十顆有神彩者。亦可救活。不慮形惡。慮無神。不慮色惡。慮無彩。神綻而凸。彩潤而明。惡痘中見有一二紅活可愛。雖凶亦吉。何者元氣猶存也。大都自眉以上幾點悅目可愛。又不瑣屑。又不歪斜。雖遍體稠密。雜症百出。終不至於死。悅目二字。卽予筆舌難盡。罄在學者意會。

見點頭焦。面色或紫者。血分毒熾也。滿天秋治之。唇燥舌苔。熱見愁。黃苔起者。千里馬。蓋焦紫雖血熱。而未必不由內熱也。審之以舌藥斯當矣。

見點白如水珠者。重。若稀疎不密。其人平素色黃。而兼痘起發。氣至而血不至也。當與散火。倘神不內寧。痘日增多。頭尖作痞子形。毒太甚也。恐非藥可愈矣。若見點色白不紅。不可便作虛治。白而無神。唇舌淡白。或吐或瀉。虛症也。若白而起。眈色。唇舌赤紅。非虛也。是伏火痘也。三日後必漸變紅紫。倘作虛治。其誤人不淺。見點脚冰冷者。不必慮。氣未下行也。

見點兩日。而大便尚秘。舌上無苔。知是血燥。非毒壅也。急行清解。枳殼。玄明粉治之。恐貫時。咽痛作瀉。而不起。方內歸芎宜倍用。

初見時。大小不一。有色點如癩者。曰夾疹。救苦丹治之。又一等瑣屑紅點隱隱肉間。曰夾痧。治亦同前。丹症亦然。但有此症。必正痘。悅目可愛。方爲痧疹之夾。不然皆痘也。識者詳辨之。

又有痘出數顆。而夾疹遍身。圓淨疎朗。顏色紅活。現兩日而盡沒。衆醫莫不驚愕。予曰。疹也。非痘也。痘沒必悶亂煩燥。此則寧靜。且正痘依然。予故知其爲疹也。治以平劑。後漸愈。未沒特亦難辨焉。

點見身熱。毒未盡也。但所感不同。有寒氣外鬱者。有熱毒內鬱者。兩者均且散之。救苦丹是其治也。內鬱黃苔。加千里馬。其色漸焦紫。隱隱不出。而身熱壯盛。或肌膚腫亮。再加賽春雷發之。

見點自汗。有生者。有死者。丹溪謂自汗無妨。指形色善者言也。若汗出而形色日變。必死。不可不辨。但治症。不須以此慮。虛症也。又須看舌用藥。

凡痘出不快須審時令藥之冬則寒鬱主賚春雷夏則熱鬱主滿天秋然亦有虛實之別唇舌滋潤無苔當從虛治

一見點色白不甚起發唇舌淡白或吐或瀉或腹膨或自汗肢冷神氣怯弱表裏虛也治從虛例

一見點在臍在肛門四圍成堆者皆重症

一出數點即發數粒山根上者重纔出而聲遂變或焦或啞者尤重

痘出數點而面目即光亮如瓜口中氣臭勃勃衝人

丹臺玉案

六卷

四

其灰甚速後必發斑吐血而死

一見點先於眉上或兩太陽出數粒突起光亮少頃即沒此賦痘也必灰

又有初出愛人皮薄光亮一兩日即大長是未至而至癘氣使然也後必變癢塌而死認爲順症則醫殺之謂斷乎難免

凡患諸瘡毒未愈或瘡毒新愈而見點於此者重此陽毒也但瘡不乾紅雖重決不灰

謂爲於可爲之時則從爲於不可爲之時則凶指險

症也。至見點如蛇皮。如蠶種。蚊跡。蚤斑。湯泡。火刺。青黑。藍斑。身如被杖。發斑。而脣腫。口臭。頤項。蒙頭。斷腰。無根。色粉白。如枯骨。胃高氣喘。七孔流血。面斜視。如橘皮。形色不正。而驚狂。併腰疼。腹痛不止。可爲乎。不可爲乎。

起脹三日訣

曰起脹是點已定。毒氣盡出時也。本乎上者上之。本

丹臺玉案

六卷

哭

乎下者下之。氣血定位。毒被制伏。成膿矣。若白不泛。頂紅不斂。窠氣血毒混而爲一。元氣弱也。苟能察形色。驗脣舌。如轉柁迴流。一持而正。後段如破竹矣。凡痘三日。先見者先起脹。後見者後起脹。根紅頂白。面與目漸浮腫。鼻塞流涕。口角涎出。而眼蒙不欲開。順候也。卽不然。而兩腮間有一二起脹。悅目頂白。根紅亦順候也。

凡起脹時色焦紫者。毒甚也。形大皮薄而起縐紋者。毒甚氣虛也。滿頂紅者。血滯也。滯者活之。焦者清之。

氣虛毒甚。補而兼解散之。但面部有一二悅目可愛。用藥當節。則枯者潤。薄者厚。而生意自勃勃矣。起脹時。諸痘未起。而其中先有起虛大色。如黃金者。名曰賊脹痘。痘至五日。而內外症平。宜諒起發。退紅。若不起發。不退紅。正氣虛也。方內倍人參。加黃芪。古人以此爲喚漿法。

當起脹時。有一等光活可愛。嬌嫩艷觀。手捺之。則破。燈照如琉璃。此假脹。又名空歡喜。急救表。或可幸治。遲則必癢塌而灰。

丹臺玉案

六卷

四九

又四日起大駛。亦非吉兆。何者。表虛毒甚也。七日後腫退。倒靨。皆此之變。遇此須分虛實預防之。

又有一等。至五日。而卽帶黃色。假漿也。不信請以神彩辨之。有神有彩者。爲真漿。此則無也。或補或瀉。唯舌是準。

起脹時。痘上有小孔。不黑不白。曰蛀痘。用保元湯。加丁桂服之。其孔一密。其痘自起。

痘出五六日。眼不封鼻。不塞。而大孔。時下氣者。逆也。

輕痘無妨。

大郁痘出五六日。氣血不分。顏色焦紫。面紅腫如瓜。  
痘伏。或猶烟雲罩定。或舌白至脣。濕處者曰內潰。  
或遍身發紫泡。或悶亂不寧。叫哭不已。腰腹猶痛。皆  
死症也。雖然亦有形色本善。調理失宜而然者。又有  
誤餌湯藥而致者。

丹臺玉案

六卷

五

痘出七日。陰中之陽盡付於外。內則空虛如釜中甌  
內之氣。妙不可言。陽起一分。陰亦長一分。故其漿也。  
則宜漸而黃。根下血暈亦宜漸而緊。如線圍定。不鋪

丹臺玉案

六卷

五

散。不灰黯。晝夜痛楚。飲食倍常。大便少。身微熱。吉症  
也。反是者逆。至是欲決生死。唯視血暈聚散。膿色真  
偽耳。真者寶色。燁燁。手捏粘絲。偽則土黃也。聚者氣  
拘血而化毒也。散則氣虛散而真氣將竭。血暈全無  
者。灰膿者。毒所化也。訣曰。六日以後。專看膿色。故膿  
有者生。無膿者死。使或有或無。而脚根不紅。或連肉  
灰紅。作癢煩燥。目閉復開。作瀉乾嘔。不食少睡。氣虛  
不能拘血化毒也。急峻補之。倘此時尚見黑苔。有刺  
生。意絕矣。不唯不容補。卽補之何益。

漿行七日。腫要過頸。漿要過脛。腫者毒外出也。言過  
脛者從上下也。至陽物亦要貫。乃宗筋之會也。兩脚  
不貫不妨。又兩臂亦宜滿。不然臨收時必不食而生  
他變。手臂脾所主也。

痘出七日。或大瀉者。氣陷也。急補澀之。若漿色正。而  
根血一線。緊緊繞定。雖瀉無妨。漿色不正。血散不斂。  
毒在內也。七日毒尚在。如命何。

若正痘依然。根暈紅活。精神飲食清健。而瀉此陽症  
也不妨。但看舌用兼止之藥而愈。

丹臺玉案

六卷

五

至八九日。漿行似足。忽眼開而陷。毒內攻也。內攻者  
必悶亂煩燥。根暈飛散。若無是而脣舌潔淨。方內加  
桂附治之。脣燥舌赤。內加連芩解毒治之。

有一等。至八日充灌飽滿。撲撲不破。而別破無膿。毒  
陷伏也。不可作順痘誤人。服賽春雷是正法也。若數  
服而猶硬無膿。根暈不活。生意可知矣。然此必神不  
內寧。若神寧痘少。不必藥治。

質膿時作癢。十常六七並準。以脣舌藥之。但爬破成  
坑者。或乾而無水者。皆不治。

瘡行漿作痛。火熱也。亦吉兆也。丹溪曰。諸痛爲實。是氣滯作痛。方內加枳殼。山查治之。血熱作痛。方內加芍藥。生地治之。

八九日寒戰。咬牙虛極也。唯峻補而已。此外無法。若頭搖牙顫。目閉無覓者不治。

又八九日有等土黃而硬者。往往作正漿目之。不知此爲陰陽失政。致漿注於中板臆。成塞而黃硬也。俗呼曰板黃痘。須急辦舌治之。古有日珠不在大。在乎體之明漿不在足。在乎色之正。土黃者黃。而無彩者。丹臺玉案

六卷

五

也。又有貫膿充足。至九日大便忽欲去不去。陽明血燥也。方內倍加當歸以潤之。不治則靨落之後。非滯下必乾熱而死。

灌膿發泡。氣過甚也。本方加白朮。茯苓。滲利之。擦破水出而不能包者。敗草散揜之。八九日最忌皮薄漿清。皮薄則嫩而易破。漿清則水而不膿。書曰。漿假毒成。毒從漿化。若此而幸成者。未之有也。凡皮薄漿清。至九日而躁亂不寧。生死可隔壁斷矣。周歲半歲者。又不必至九日。若七日便蹬打不定。指破不乾。萬不

救一何者。痘以七日爲界。七日以前氣血外行。七日以後氣血內入。外行時尚不欲留毒。矧內入時乎。故七日後躁亂者。毒攻也。毒攻內者必死。

凡灌膿時。額上如湯泡。皮肉盡赤而乾者死。諸痘纔貫。而兩脣先黃硬者死。

擦破無膿血者死。擦破而瘡痕隱然有生意者。穢觸也不當作死症論。

### 結靨三日訣

痘至十日毒解矣。膿亦轉黃作蒼蠟色。元氣實者。痂

丹臺玉案

六卷

五

必循次而結。如口角與陽物先結。正收也。身漸輕快。腫漸清解。眼矇矇而欲開。食倍常。便如故。從上至下而收。結痂厚色紅。大事畢矣。不然猶未可以爲喜。結痂時。忽忽發熱者。蒸漿作靨也。不必慮。

凡一時痂盡。一痂卽落者。毒火燥也。急解之。此症必膿未充足。若聲啞煩悶。喘促不食。死期迫矣。否則必發癰毒而解。

痘至十日。正收靨者。潮靨而不靨。非氣虛必血熱也。氣虛方內加參芪。丁桂治之。血熱方內加芩連解毒。

治之氣虛血執唇舌紅不紅辨之也。亦有時令致然者。時之寒也。用溫劑以斂之。時之熱也。用涼劑以清之。

凡不及期眼開者重。輕症不拘。又過期眼不開者亦重。十二日眼開期矣。  
當結靨時。渴飲無休。津液竭矣。方內加生脈散主之。若渴甚而下瀉。尤重者為難治。凡治渴切勿利小便。便愈利而渴愈甚矣。

十日九日半痲半不痲作瀉者不必慮。乃陽氣內回。  
丹臺玉案 六卷 五五

非貫膿時比也。方內倍白朮茯苓治之。切忌澀劑。倘不知誤用。後必不食而作痢。

十二十三日有形如火。燒烟薰者。生死最決。若音不清。食不入。破處乾枯。煩亂不寐。死症也。音清能食。睡臥安寧。爬破淋漓。神舒氣爽。生症也。又當分虛實。治唇舌潔淨。溫補兼清解之。唇燥舌苔。單解之。解而苔去。繼以平和。則攻補兩盡矣。

凡當靨時而流漿不已。為過表故也。然亦有飲水霍濕致然者。兩者皆方內倍白朮茯苓。加防蒼燥之或

腐爛而和皮脫去者。倒靨也。方內加入參、丁、桂、主之。破者復灌。消者復腫。空處復出一層。治功也。俗呼曰翻空痘。逆症有此大吉也。靨後腮紅。唇乾。面色帶紫者。肺癰將作也。連翹飲治之。桔梗、知母、百合、麥冬、宜常服。

痘至結靨未及結痂時。必定作氣息者。第腥臭者佳。尸臭者死。全無氣息。知有餘毒也。須解之。

額與足遲靨者。獨陰獨陽也。額與足先靨者。重反陰。背陽也。當靨之時。凡見腹脹、氣喘、咽爛、不食、或唇白、疔牙、手足搖動、皆死症也。間有一二不死。亦幸活耳。

### 落痂餘毒訣

痘至落痂。一大事。工案了手矣。子尚有言否。曰。是何言也。末路難恃。功虧一篑。正此之謂也。如痂久不脫。或堆如雞屎。薄如竹膜。泡發丹纏。癰腫疔潰。或疹。或疥。或嘔吐作渴。或赤白痢。或咳嗽。或虛煩不眠。坐立微顫。唇不蓋齒。咽啞腹痛。或熱。或發癢。而形色粉紅。非險乎。又如破而不貫。坑陷乾枯。驚搖無竟。走馬牙。

疔目暗吊白。或胷高而喘。戰掉不休。疤痕之色皆粉。白不紅。非逆乎。且氣血初定。相火易煽。卽靨後疤紅。而不禁辛熱。猶致目疾。不避風寒。猶發瘡痕。不節飲食。猶成吐痢諸症。子何以無事目之一。

靨漸結漸落。色明而厚順也。或粘肉不脫。或嵌入肉中。或半粘半揭。或痂半有衣。或薄如竹膜。色煤黑者。險也。有虛實寒熱實而熱者。速翹飲主之。虛而寒者。方內加參芪肉桂治之。治癰色亦然。紫紅者實也。粉紅者虛也。粉白者氣血衰也。氣血衰服藥不轉者死。

丹臺玉案

六卷

五

痘後癰毒。非痘之過。乃醫之過也。當發不發。則成癰。不當補而補。則成癰。癰者壅也。元氣內實。毒不能留。故尋竅而出。經曰。營氣不從逆於肉裏。則生腫是矣。曲池委中三陰交會之地。毒多壅此。虛故也。然有實者。有虛者。形體怯弱。食少微熱。腫處不痛。虛也。形體壯盛。身熱能食。痛叫不已。實也。虛者流氣飲實者連翹飲。外並以必勝膏貼之。潰而出膿。大補湯久不收口者。生肌膏塗之。凡多癰不食。嘔瀉不休。睛慢脣白。而膿出清水者死。靨後病目。俗皆謂目中出痘。如果

痘也。胡不見報痘成膿而遂結痂耶。此症亦醫之過也。古云熱蘊於肝則目病。確言也有赤腫而痛不能開者赤腫涼肝散翳膜涼膈散切忌點藥睛突瞳陷不能治矣。痘初出而卽用護眼法烏有後患。凡口疳皆胃熱致之有輕者重者有死不治者滿口白糜或紅點簇輕症也。靈棗丹吹之唇舌腫硬牙齦黑爛成疔者重也。內服甘露飲外吹靈棗丹爛入喉者亦以藥吹之色如乾醬臭爛日甚而鼻發紅點者死俗名走馬疔然此亦醫之過也。

丹臺玉案

六卷

五

痘後腹痛甚重須分治之。傷食和中丸。餘毒連翹飲。血虛本方去翹桔加參芪乾薑治之。腹痛見舌白者死。元氣竭也。

驚發痘後書云莫救者是目閉無魂更兼吐瀉唇白肢冷如熱甚小便閉塞或素有驚疾又非不可治者。痘後出瘡名曰痧蓋痘落發此吉兆也不可作尋常痧瘴治只消疏風之劑丹與癰疹亦然。

痘後浮腫囊大如鉢毒匿皮膚以連翹飲加腹皮茵陳主之有加枳殼倍柴胡。

立方

三荳湯 治天行時氣。廣出痘瘡。日日服之。出時必

少。

小赤荳

黑荳

菜荳

各五錢

甘草節

一錢

水煮熟。任兒食之。久服則不出矣。

胡荩酒 治痘瘡初發。噴之。

胡荩一握。酒煎一二沸。去渣。乳母含口內。噴之。

從頂至頤。身足塗。擦週遍。滿房門戶。灑之。

解肌敗毒飲 治痘瘡初起。二日內服。

丹臺玉葉

六卷

五

柴胡

防風

獨活

前胡

荆芥

各八分

蟬脫

桔梗

薄荷

川芎

紫蘇

紫草

各六分

蔥白三莖。胡荩一握。煎服。

鼠粘子湯 治痘疹稠密。身熱等症。

鼠粘子

當歸

甘草

柴胡

連翹

黃芩

黃芪

地骨皮

各等分

水煎。不拘時服。

人參透肌散

治虛而有熱。雖能出快。長不齊。整隱。

於肌膚者。

人參

白朮

白茯苓

紫草

當歸

白芍

木通

蟬脫

甘草

糯米

各五分

水煎不拘時服。

犀角池黃湯

治血熱痘初出太熱大便黑糞或鼻

衄小便出血。

方見傷寒門

保元湯

治痘瘡初出圓暈成形乾紅少潤然毒尚

淡急服此劑。

丹臺玉案

六卷

五九

人參 二錢

黃芪

甘草

各一錢

水煎不拘時服。

紫草散

治痘瘡黑陷氣血虛弱痘疹不起。

紫草

甘草

黃耆

糯米

各一錢五分

水煎溫服。

益元散

治痘疹煩燥作渴調下二錢。方見傷寒門

流氣飲 治虛而結癰者。

當歸

川芎

赤芍

黃耆

人參

各五分

甘草節

廣木香

紫蘇

烏藥

各四分

桔梗

厚朴

枳殼

各三分

水煎服。

十神解毒湯

治見點三日身熱等症。

丹皮

紅花

赤芍

川芎

當歸

生地

木通

桔梗

連翹

甘草

等分

淡竹葉十片煎服。

生脉散

治氣虛口乾舌燥。

方見中暑門

連翹飲

治熱毒蓄內痘不肯出齊。

丹臺玉案

六卷

卒

黃芩

黃連

黃柏

山梔仁

大黃

石膏

蟬蛻

牛蒡子

紅花

各入分

升麻

三分

燈心三十莖煎服。舌上無苔去大黃。

和中丸

治痘後傷食腹痛等症。

陳皮

厚朴

枳殼

麥芽

山查肉

各一兩五錢

白茯苓

白木

各一兩

神麩

三兩

右爲末神麩打糊爲丸每服二錢滾白湯下。

醃酒飲 治見標太重。以此托之。

當歸

桔梗

白木

川芎

各一錢

熟地

一錢二分

桂枝

六分

水煎溫服。

大補湯

治毒流膿不止氣血兩虛

人參

白木

白茯苓

草甘

當歸

川芎

白芍

熟地

黃耆

肉桂

白芷

連翹

金銀花

各等分

丹臺玉案

六卷

卒

水煎溫服。

救苦丹

自發熱至見點多獲其効四日前毒甚者服。

羌活

防風

升麻

麻黃

生地

吳茱萸

黃柏

連翹

各五分

當歸

黃連

各三錢

川芎

藁本

酒苓

生苓

蒼木

各二錢

細辛

甘草

白木

陳皮

紅花

各一錢

右爲末蜜丸龍眼大每服量人大小加煎劑內同

服。

滿天秋 自發熱至起脹時有熱症者皆可服。

石膏 一兩 茵草 寒水石 人中白 各三錢

甘草 紅麴 各二錢 鬱金

紫草 辰砂 各二錢

右為末每服三錢燈心湯調下。

養春雷 治紅紫焦枯或因風寒痘不起發內熱壅

甚痘鬱不出皂畏熱七日前皆可服。

麻黃 紫草 各一兩 甘草 白附子 各五錢

丹臺玉案 六卷 空

蠶蠶 蟬蛻 各三錢 穿山甲 一錢五分

蟾酥 一錢 蜈蚣 一條 全蝎 八分共

右末另以麻黃二兩紫草紅花各一兩酒水各一

碗煎去渣再熬成膏入蜜三兩再畧熬同前末搗

丸如龍眼大每服一丸燈心湯化下。

熱見愁 凡見唇燥舌苔即宜服之。

燒人糞 一兩 黃芩 黃連 黃柏

山梔 俱酒炒 升麻 三錢

右為末每一二錢量人大小加入煎劑同服。

千里馬

疏瀉之劑無舌苔不可服。

大黃

一兩酒浸過

紅麴

五錢炒

川芎

烏藥

各三錢

蚯蚓

去泥土一兩

右為末另以大黃四兩熬膏加蜜少許為丸如龍

眼大每服一二丸入煎劑同服

二九春 治一切頂陷不貫者

天麻

殭蠶

天花粉

各三錢五分

全蝎

甘草

各二錢

象皮

光烏

各三錢

礞石

硃砂

狗寶

各一錢

牛黃

五分

丹臺玉案

六卷

空三

麝香

三分

右為末元米飯為丸如龍眼大硃砂為衣每服一

丸臨臥時酒漿化下

飲膿散 治當靨不靨以此收之

黃耆

蜜炙

枸杞子

白芷

甘草

何首烏

各一兩蜜炙

右為末每服二錢米飲調下

護眼膏 治見點兩眼腫赤肝脾二經熱甚以此塗

之

甘草

黃栢

大胭脂

各一兩  
共爲末

棗莖

五合水五碗浸  
一晝夜去莖

以棗莖水加紅花四兩煎至二碗去渣入前末成

膏塗眼眶上下

涼膈散 治痘後羞明怕日翳膜遮睛

當歸

川芎

柴胡

黃連

龍膽草

防風

蟬蛻

密蒙花

各六分

右爲末以獐猪肝一兩切片同煮服

四聖丹 治七日外有疔以此點之

丹臺玉案

六卷

空出

珍珠

三分

莞荳

四十粒

男髮

煨灰存  
性一錢

雄黃

六分

水片

一分

右爲末以紫草二兩麻油熬膏調點

必勝膏 治貼腫毒每日兩換

蔥白不拘多少搗爛入蜜和作餅貼患處

聖棗丹 治走馬牙疳并一切口疳吹之立効

小青蝦蟇

三十箇

生礬

一錢

南棗

去核  
五枚

銅錄

一分

麝香

三釐

右共搗爛鹽泥封固火煨存性去泥爲末吹之

綿薑散 治痘後爛不收口。

綿薑二十箇以生礬裝滿為度火燒炙乾為末。

每一兩蜜陀僧五錢白芷二錢。

右為末白蜜調敷。

生肌散 治靨後疔潰成坑內見筋骨者。

赤石脂 伏龍肝 輕粉 黃栢

血竭 杭粉各一錢 黃丹 髮灰

乳香 沒藥各五分 冰片三分 蜜陀僧一錢五分

右為末摻上如有臭氣加阿魏三分。

丹臺玉案

六卷

全

薰癢法

茵陳 白芨

荆芥各等分

為末以紙條薰之。

逐蛆法 以絲瓜搗汁噲噴痘上其蛆自出。

又方 以柳葉鋪床又有皮厚不能出者用銀針挑

破滴油入內蛆見油即出外用花椒水浴之。

痧麻

夫痧麻出自六腑先動陽分而後歸於陰經故標屬

陰而本屬陽也如未出時或已出而出之不暢者即

當發散。必先明其歲氣。如時令溫暖。以辛涼之藥發之。時令暄熱。以辛寒之藥發之。時令嚴寒。以辛熱之藥發之。時令或寒或熱。以辛平之藥發之。但發得出。則毒盡解。若發不出。再加藥發之。要其大綱。雖是熱症。然不可驟用涼藥。恐過絕邪氣於內。而不得出。多有不救者。宜解毒發散為主。若發熱之時。遍身汗出者。此毒從汗散。有鼻中血出者。此毒從血解。若上吐下利。則毒從吐利解。俱不可遽止。若太過。斟酌止之。痧已出。其色喜紅潤。極忌紫黑。如有咽喉腫痛。不能飲食者。此毒火拂鬱。上薰咽喉也。咳嗽口乾。心煩者。此毒在心肺。發未盡也。痧已出而瀉尤不止者。最為惡候。出已遍身。而尤拂拂煩熱。頻作嘔吐者。此毒未盡。畱連於脾胃之間也。

立方

解毒湯

治痧症初起。天時溫暖。

防風

薄荷

荆芥

石膏

知母

各八分

桔梗

甘草

牛蒡子

連翹

木通

枳殼

各六分

淡竹葉廿片煎服。

清毒湯 治初起夏月大熱。

黃連 黃芩 防風

桔梗 石膏 玄參

山梔仁 各八分

淡竹葉廿片煎服。

化毒湯 治痧症初起冬月寒冷。

桂枝 麻黃 赤芍

荊芥 羌活 桔梗

丹臺玉案 六卷

川芎 各五分 牛蒡子 錢

生薑三片煎服。

清寧湯 治症汗出太多鼻血不止。

當歸 連翹 石膏

生地 麥門冬 玄參 各七分

浮小麥一錢煎服。

玄桔湯 治痧症咽喉腫痛。

玄參 桔梗 牛蒡子 連翹

天花粉 甘草 各二錢

荊芥 各一錢

木通

防風 各八分

人參

各七

黃連 各一錢

甘草 二分

淡竹廿片煎服。

清金飲 治痧症咳嗽口乾心煩。

天花粉 桔梗 桑皮 知母 各七分

玄參 連翹 乾葛 各八分

燈心三十莖煎服。

必勝飲 治痧已出而瀉不止。

陳皮 厚朴 蒼朮 白茯苓

牛蒡子 澤瀉 木通 各八分

生薑一片食前煎服。

丹臺玉案 六卷 六分

和榮散 治痧已出。渾身發熱。

當歸 川芎 生地 麥門冬

白芍 木通 甘草 各八分

燈心三十莖煎服。

靈功飲 治痧後痲疾。

當歸 黃連 川芎 各八分 人參 三分

廣木香 枳殼 滑石 檳榔 各六分

甘草 一分

燈心三十莖食前溫服。

於痧發不出。蔥一握。搗汁一盞。入酒漿一盞。同服。  
又秘方。櫻桃核四十九粒。甘草五分。煎服。  
痧出紫黑。急以人糞燒存性。酒調五分。立刻變紅。

瘡瘍科

諸痛癢瘡瘍。皆屬心火。則瘡瘍之疾。非外得也。而昔人列之爲外科者。以形症在外。非若內症之無形可見也。然外之所成。皆內之所發。未有不由臟腑而出者。其可視以爲外症。而忽之乎。瘡瘍之中。癰疽爲甚。而大疔之毒。尤甚於癰疽。故治大疔者。十活其一。二。

丹臺玉案

六卷

完

治疽者。十活其五六。治癰者。十活其八九。惟毒有淺深。故治有難易耳。然何以辨其癰疽大疔哉。亦視其腫之高下。地之廣狹。脉之浮沉而已。蓋癰者。壅之義也。氣血爲毒所壅。瘀而不行。故發而爲癰。其初發之時。必灑淅惡寒。而身微熱。多生於背與頂。在背之上部。或左或右。爲上搭手。在背之下部。或爲正發。生於腦後者。爲對口。比之上下搭手。尤爲毒也。凡癰皆掀然熱而腫高。其勢易大。其根不甚深。從乎陽也。疽者沮之義也。氣血爲毒所阻滯。而不行。故發而爲疽。其

初發之時。亦灑淅惡寒。先覺麻癢如痞癩之狀。按之內實。手推不能動。多發於背腰肩隅之間。及小腹胃傍。其發股足之間者。名附骨疽。凡疽皆腫。不甚高。勢不易大。而其根反深。惟發於背心及股者。爲至重。乃五臟所發。從乎陰也。疔者。丁之似也。猶釘之在木。拔之不能出。搃之不能動。其根至深。其毒至甚。其頭至硬。其初發之時。反不知痛癢。但不覺麻木。外雖如麻。裏則如瓜。及其勢甚。則痛苦異常。應心入膽。而不可忍。乃五臟六腑所發之火。煨煉已久。并合於一處。而生疔者。多見於面部骨節之間。而究其毒之所從來。多由於飲食服餌之中。經曰膏粱之變。足生大疔。凡肥甘厚味。炙博煎熬之物。最能助火。嗜味之人。恣供口腹。醉之以酒。勞之以色。脾土於是乎燥烈。腎水於是乎枯竭。積之既久。畱於五臟。佈於六腑。火鬱而不散。乘其氣血所虛之處。而發之根。抵於內。而煩熾於外。其毒甚於鳩鳥。試割其肉。以飼鷄犬。立見其斃。此大疔之所以多效也。若夫似疔而非疔者。則俱以腫毒治之。而無大害。然三者之脉。何以辨之。蓋浮而數。

者毒氣在表。故知其爲癰。沉而數者。毒氣在裏。故知其爲疽。若沉而又滑。數而弦急者。必疔也。此皆有形之可見者。雖其治有難易。猶可因其症而施之。至於腸癰。腹癰。肺癰之類。皆爲內癰。其狀與癥瘕痞癖無異。苟或以爲內科之症。而進以削堅破結之劑。所治非其所忍。幾何而不殞人之命也。大法瘡瘍之在外者。初發無如一灸艾烟一透。其毒立效。若延至六七日。則不可灸矣。毒之淺者。點之。毒之深者。決之。毒之尤深而針刀所不及者。則烙之。未成毒膿。則用化毒。既成膿。則用托裏。此外在人之臨症。機變矣。

丹臺玉案

六卷

五

發背門

陰發難治。陽發易醫。爲治之法。或疎散。或消毒。或針烙。或內托。或外消。或瀉。或補。隨其虛實寒熱。而調治之。又當辨其五善七惡。如痛息自寧。飲食有味。一善。便利調勻。二善。膿腫自消。色鮮不臭。三善。神彩光明。聲音清朗。四善。體氣平和。爲之五善。腹痛而渴。瀉利無度。小便如淋。一惡。膿大潰。掀腫猶甚。臭敗莫近。二惡。喘。麤氣促。恍惚嗜臥。三惡。毒氣攻心。藥食嘔逆。四

惡聲嘶色脫。面目如垢。脣青鼻黑。四肢浮腫。五惡。二便不通。煩燥時咳。六惡。四肢沉重。未潰先黑。陷下爲之七惡。

立方

神授衛生湯

治發背并腦疽對口諸惡毒未成者

卽消已成者卽潰藥性平和功效甚速

羌活

防風

白芷

穿山甲

沉香

紅花

連翹

石決明

各六分

金銀花

皂角刺

當歸尾

甘草節

丹臺玉案

六卷

圭

天花粉

乳香

各八分

大黃

酒炒二錢

水煎食遠服

消腫托裏散

治發背不拘上下左右並一切癰疽

腫毒

人參

赤茯苓

白朮

滑石

桔梗

金銀花

荆芥

山梔

當歸

川芎

黃耆

各一錢

赤芍

蒼朮

麻黃

各七分

大黃

三錢

黃芩

防風

甘草

薄荷

連翹

各八分

石膏

芒硝

各一錢五分

水酒各一鍾煎服。

灸法

如發背初起時背上微有紅腫重墜。即是發背。以此法立時消散。屢屢効驗。

用河邊水中泥先挖去一尺許。再取一大塊。同人糞杵極熟。做一餅。如碗大。頂上以針通一細孔。放在患處。外用艾火灸之。如痛灸至不痛。不痛要灸至痛住。

薰發背奇方

治發背七日後未成者自消。已成者

丹臺玉案

六卷

七三

自潰不起發者即發。不腐潰者即腐。

雄黃

硃砂

血竭

沒藥

各二錢

麝香

五分

右為細末。每用三分。綿紙裹藥為撚。長尺許。以蘸油潤透。焰火離瘡半寸許。自外而內。周圍徐徐。燭之。初用三條。加至五條。候毒勢漸漸消減。

散毒飲

治發背三五日間。身上灑淅惡寒。疼痛急。脹如未成膿。即消。已成即潰。調氣血和脾胃。使毒

不攻心。

乳香 沒藥

天花粉

黃耆

防風 各一錢 當歸

白芷

桔梗

穿山甲 各一錢

皂角刺

連翹

陳皮 金銀花

牡丹皮

川芎 各八分

水煎食後服。

蠟礬丸 治發背癰疽並一切腫毒服之能護心膜。

毒氣不能攻心。

黃蠟 一觔 明礬 八兩 硃砂 八錢

先以蠟鎔開入明礬末攪和投水中衆手丸如菜

丹臺玉案

六卷

五

荳大硃砂爲衣每服百丸白滾湯下。

生肌丸 治一切發背疽毒服此長肉收功。

黃蠟 一觔 乳香 研細 沒藥 研細 血竭 各二兩

象牙末 四兩

先用蠟鎔化再入乳沒等藥和勻投水中衆手丸

如菜荳大每服百丸一日二服。

吸毒竹筒 治發背癰疽腫毒以此拔出膿血惡水

白芨 蒼朮 白欬 厚朴 艾葉 烏相皮 芽茶 白蒺藜 各等分

如法用竹筒六七箇長二寸一頭留節削去青。極薄隨大小用之以藥煮筒十數沸。煮乾爲度。乘筒熱按上緊吸瘡口膿水滿自脫落。不然用手拔脫。更換別箇竹筒如此三五次毒盡消矣。

托裏定痛散

治發背潰後血虛餘毒未盡作疼。

歸身

熟地

各二錢

乳香

沒藥

川芎

白芍

各一錢

酒炒

肉桂

粟殼

各一錢五分

去筋膜蜜炒

水煎食後溫服。

丹臺玉案

六卷

十五

五寶飲

治發背不肯收口。作疼作癢。服去卽收功。

金銀

黃耆

甘草

歸身

人參

各二錢

水二鍾煎八分食後服。

生肌神祕散

治發背將收功。搽上腐肉卽去。新肉

卽生。

白昇藥

一輕粉

鉛粉

各一兩二錢

銀硃

珍珠

豆腐內煮過各四錢

右爲極細末。搽於瘡口。

十全大補湯 治發背已潰寒熱往來。或作疼痛膿多。或自汗盜汗。氣血兩虧。神思倦怠。瘡口不斂。

人參 黃耆 川芎 白芍

當歸 肉桂 各二錢 熟地 各二錢 白茯苓

白朮 甘草 各一錢五分

黑棗五枚 食前煎服

癰疽門 附腦癰 肺癰 腎癰 附骨疽

凡癰疽緣陰陽相搏而生。蓋氣屬陽。血屬陰。血行脉內。氣行脉外。相並週流。寒與濕搏之。則凝滯而行遲。

丹臺玉案 六卷 五

為不及。熱與火搏之。則沸騰而行速。為太過。氣得邪而鬱。津液閉結。為痰。為飲。積久滲入脉中。血為之濁。血得邪而滯。隧道阻隔。或溢或結。此陰陽不能和暢。則癰疽惡毒。從此生焉。

立方

真人活命飲 治一切癰疽腫毒。初起服此。止痛立

消散毒。

當歸尾 赤芍 防風 各二錢 白芷

天花粉 穿山甲 乳香 沒藥 各一錢

皂角刺

浙貝母

陳皮

金銀花

甘草節

各一錢五分

頭生酒水各一碗煎隨其疽毒上下以分饑飽服服後再飲酒數杯。

飛龍奪命丹

治一切癰疽并發背疔瘡對口無名惡瘡未成者服之立消已成者服之即潰疼痛者服之立止此丹乃惡症中至寶。

蟾酥

酒化開

乳香

沒藥

硃砂

為衣

銅綠

各二錢

明雄黃

三錢

膽礬

寒水石

各一錢

丹臺玉案

六卷

七七

麝香

五分

蝸牛

二十一箇連殼用

輕粉

五錢

血竭

一錢

蜈蚣

一條酒浸炙黃色去頭足

右為末以蝸牛研為泥加蔥汁和丸如棗豈大每服三丸先用蔥白三寸令病人嚼爛放手掌中將丸裹在蔥白內用熱酒送下於被覆暖取汗如未有汗又飲酒數鍾以助藥力。

立潰拔毒膏

點破諸般惡毒癰疽瘡癤。

糯米

二兩南星當歸赤芍各三錢同炒

礪砂

斑貓

各三錢

好石灰

一兩皂角燒相薰共為末

桑柴灰

真炭灰 皂角灰 毛竹去青 芝蔴楷灰各三兩

右以五樣灰淋汁。鍋內慢火熬之。面上起白霜為度。調前四味。點於患處。

太乙神應膏 治發背癰疽疔瘡瘡毒跌打損傷心

疼腿痛一切外科百病無不効驗。

川烏 草烏 黃連 黃栢

赤芍 白芍 玄胡索 當歸尾各二錢

良薑 木鱉子 殭蠶 亂髮各五錢

紫荆皮 地龍 石南藤 穿山甲

丹臺玉案

六卷

七六

白芷 川芎 白牽牛 槐花

五倍子 地骨皮 杏仁 花椒

大茴香 茅香 玄參 蒼耳子

桂皮 南星 瓜蒌仁 苦參

蒼朮 五加皮 防風 熟地

蜜陀僧 丁香 內消 生地

藁本各一錢 何首烏 細辛各二錢五分

江子三十粒 革蘆子三十粒

旱蓮草 人參 百藥煎 黃芪

甘草節 羌活 五靈脂 獨活

地蜈蚣根 各一兩

前藥各為咀片用麻油一觔半浸二宿入銚內文武火熬至黑色濾去渣却將後藥為末次第加入

廣木香 安息香 琥珀 麝香 各二錢

乳香 沒藥 血竭 降香

韶粉 自然銅 各一錢五分 桑白皮 醋淬三次

白芨 白欬 雄黃 各五錢 黃丹 六兩夏月加二兩炒黑色

右各為末入油次下黃丹以槐柳條不住手攪滴

丹臺玉案 六卷 七九

水成珠為度諸品要選真正道地者虔誠煎熬自然應驗

千金內托散 治癰疽惡毒未成者速散已成者速

潰此方活血調氣祛風解毒和脾補虛

黃菁 人參 各二錢 防風 厚朴

黃芩 歸身 白芷 薄荷 桂枝 川芎

甘草 桔梗 各一錢

酒煎溫服

系金錠 治一切癰疽瘡癤發背惡毒每服三錢酒

磨送下。外以磨敷上。其毒漸漸消散。方見痰門

附腦癰

立方

黃連救苦湯 治腦癰初起增寒發熱頭面耳項俱

腫服之立消。

黃連 赤芍 桔梗 金銀花 各一錢五分

升麻 八分 柴胡 乾葛 川芎

當歸尾 各一錢二分 連翹 防風

羌活 黃芩 甘草 各二錢

升臺玉案 六卷 八下

水二碗煎八分。臨服加酒一鍾。食後服。

保安湯 治腦癰已潰流膿內痛飲食減少。

黃菁 麥門冬 藿香 各一錢二分

當歸 白茯苓 川芎 各一錢五分

桔梗 半夏 陳皮 白朮

甘草 人參 各一錢

黑棗五枚。食後煎服。

飛龍奪命丹 治腦癰初起灑浙惡寒頭腦脹痛日

服二次。方見前。

十全大補湯 治腦癰已潰之後。膿水出多。氣血兩虛。精神短少。飲食少進。煩燥不眠。日晡潮熱。方見發背門

附肺癰

立方

平肺飲 治肺癰初起。咳嗽氣急。胸中隱隱作痛。嘔

吐膿痰。

人參

麥門冬

赤芍

檳榔

赤茯苓

陳皮

桔梗

各一錢

甘草

五分

丹臺玉菜

六卷

全

水煎食遠服。

清肺飲 治肺癰咳吐膿痰。胃膈脹痛。上氣喘急發

熱。

銀柴胡

玄參

陳皮

桔梗

各一錢

白茯苓

地骨皮

麥門冬

薏苡仁

人參

甘草

瓜蒌仁

各入分

燈心三十莖。煎入分。食遠服。

排膿散 治肺癰已吐腥臭之痰。服此排膿補肺。

黃芪

白芷

北五味

人參

各三錢

右爲細末。每服三錢。食後白滾湯調下。

八寶飲 治肺癰。咳嗽日久。痰帶腥臭。身熱虛羸。

白茯苓

桔梗

貝母

人參

北五味

天門冬

胡黃連

熟地各等分

水煎食後服。

附腎癰

腎癰生於小腹之後。位遠僻奧。氣亦罕到。血亦少來。凡生是癰者。乃濕熱凝滯聚結而成。此毒也。

立方

丹臺玉案

六卷

全

活血散瘀湯

治腎癰初發。紅赤腫痛。重墜如石。石

大便秘澀。

川芎

當歸

防風

赤芍

各一錢

蘇木

連翹

天花粉

皂角針

紅花

黃芩

枳殼

各一錢二分

大黃三錢

水煎食前服。

十全大補湯

治腎癰出膿後。服十餘劑。外貼太乙

膏。

方見發背門

內消沃雪湯 治腎癰未得出膿。堅硬腫痛。不可忍

者。

青皮

陳皮

乳香

沒藥

連翹

黃耆

當歸

甘草節

白芷

射干

天花粉

穿山甲

貝母

各一錢

白芍

金銀花

皂角刺

各八分

廣木香

五分

大黃

三錢

水酒各一碗煎服。

附骨疽

丹臺玉案

六卷

金

立方

黍米寸金丹

端治附骨疽并諸腫毒神効。

乳香

沒藥

雄黃

狗寶

輕粉

烏金石

各三錢

蟾酥

礪砂

各四錢

白粉霜

水銀昇煉

黃蠟

各五錢

鯉魚膽

三箇陰乾

狗膽

一箇

白丁香

四十枚

金頭蜈蚣

七條酥炙黃色

人乳

頭胎者佳

右為末。先以乳蠟二味熬成膏。同藥為丸。如棗豈。

大。大人三九。小兒一九。重者五九。蔥湯送下。衣被。

密蓋出汗為度。

當歸枯痛湯 治附骨疽因濕熱下注。腿脚赤腫痛。

不可忍。

羌活

當歸

防風

茵陳

蒼木各一錢

苦參

升麻

白木各七分

葛根

甘草

黃芩

知母

澤瀉

猪苓

人參

黃栢各五分

水煎溫服。

托裏黃耆湯

治附骨疽初起腫痛外貼太乙神應

丹臺玉案

六卷

論

膏。方見本門

黃耆

當歸

柴胡

木瓜

連翹

羌活

肉桂

生地

黃栢各等分

水酒各一鍾煎服。

羌活防已湯

治附骨疽初發於太陽太陰厥陰分

者。

羌活

川芎

蒼木

防已

木香各一錢

連翹

射干

甘草

赤芍

木通

歸尾

蘇木

各一錢二分

水酒各一鍾煎服。

黃連消毒飲

治附骨疽在腿外側堅硬漫腫作痛。

不能行步

黃連

羌活

黃柏

黃芩

各一錢二分

防己

生地

防風

歸尾

知母

獨活

陳皮

黃耆

人參

蘇木

各一錢

水煎溫服。

丹臺玉案

六卷

全

十全大補湯

治附骨疽將愈時服十餘劑永無他

患。方見發背門

乳癰門

附乳巖

腸癰

囊癰

夫乳病者。乳房陽明胃經所司。乳頭厥陰肝經所屬。孔子之母。不善調養。以致乳汁濁而壅滯。因惱怒所傷。氣滯凝結。而成癰毒。又有憂鬱傷肝。思慮傷脾。積想在心。所願不得志者。致於經絡痞澀。聚結成核。初如荳大。漸若碁子。半年一載。二載三載。不疼不癢。漸漸而大。始生疼痛。痛則無解。日後腫如堆粟。或如覆

破。紫色氣穢。漸漸潰爛。深者如巖穴。凸者若泛蓮。疼痛連心。出血作臭。其時五臟俱衰。四大不救。名曰乳巖。凡犯此症。百無一生。宜清肝解鬱。益氣養榮。患者清心靜養。無掛無礙。服藥調理。苟延歲月而矣。

脉云

乳癰之脉。多於弦緊。弦數鬱火。弦滑鬱痰。

立方

牛蒡子湯 治乳癰結腫疼痛之甚服此立散。

牛蒡子 陳皮 山梔 金銀花

丹臺玉案

六卷

六

瓜蒞仁 天花粉 黃芩 青皮 各一分

連翹 柴胡 各一錢 甘草 三分

水煎臨服加酒一鍾同服。

消癰散毒飲 治乳癰惡寒發熱焮腫疼痛服此立

消。

青皮 浙貝母 天花粉 各二錢

蒲公英 開黃花即滿地金 錢一握搗汁

連翹

鹿角屑 當歸 各一錢 五分

水酒各一鍾煎服。

飛龍奪命丹 治一切乳癰已成未成者。方見癰疽門

散腫湯 治乳癰未成功一服立消外貼太乙神應

膏。方見癰疽門

青皮

石膏 各二錢

甘草節

瓜蒞子

沒藥

蒲公英 即滿伽 金錢

金銀花

當歸尾

各一錢五分

青橘葉

二十片

水酒各一鍾煎服。

附乳巖

立方

丹臺玉案

六卷

全

青橘飲 治婦人百不如意久積憂忿乳內有核不

癢不痛將成乳巖。

青皮

五錢 醋炒

橘葉

三十片

水煎食遠服。

神功飲 治婦人乳內一核初起如錢不作疼癢三

五年成功紅腫潰時無膿惟流清水形如巖穴之

四。

忍冬藤

蒲公英

甘草節

金銀花

各二錢

瓜蒞

一個 連殼

生酒煎服。

十六味流氣飲 治乳巖赤腫疼痛

人參

黃芪

當歸

川芎

各一錢五分

肉桂

白芷

厚朴

甘草

桔梗

防風

烏藥

檳榔

各一錢

赤芍

枳殼

廣木香

蘇梗

各八分

水煎食後服。

附腸癰

腸癰。因濕熱流入小腸而成。小腹急脹。按之則痛。小

丹臺玉案

六卷

全

便淋數時時出汗。惡寒發熱。腹皮堅實高腫。逆臍生瘡是也。

木立方

神通散 治腸癰不拘已成未成。服之膿血皆從大便中出。

便中出

出過蠶蛾

燒灰

大黃

各六錢

穿山甲

炒

牙皂

各五錢

右為末。每服一錢。酒調下。

化毒飲 治腸癰腹癰初起。小腹腫痛急脹。

木通 四錢 黃連 五錢 青皮 六錢 乳香

沒藥 各三錢 大黃 各三錢 九

生薑三片水二碗煎服。

牡丹皮湯 治腸癰腹濡而痛以手按之則止或時

時下膿。

人參 丹皮 白芍 赤茯苓

黃耆 桃仁 去皮尖 薏苡仁 白芷

當歸 川芎 各一錢 廣木香 甘草

木官桂 各五分

丹臺玉案 六卷 九

水煎食前服。

排膿湯 治腸癰小腹脹痛裏急後重時時下膿。

黃芪 穿山甲 白芷 當歸 各一錢

金銀花 防風 川芎 瓜蒌仁 各一錢

水煎食前溫服。

十全大補湯 治腸癰小腹脹痛膿下無時 方見發背門

附囊癰

囊癰者乃陰虛濕熱流注於囊結而為腫至潰之後  
率九懸掛猶不傷人其毒從外發治當補陰清利濕

煎為主。

立方

如意黃金散

敷囊癰初起紅赤腫痛發熱墜重者。

天花粉

黃栢

大黃

薑黃

各五兩

白芷

三兩

厚朴

陳皮 甘草

蒼朮

南星

各二兩

右為末以蔥汁同蜜調敷患處。

清肝滲濕湯

治囊癰肝經濕熱結腫小水不利發熱焮痛。

熱焮痛。

丹臺玉案

六卷

牛

川芎

當歸

龍膽草

生地

白芍

柴胡

各一錢五分

天花粉

山梔

黃芩

木通

澤瀉

各一錢

燈心三十莖食前服。

滋陰內托散

治囊癰已成腫痛發熱有膿服之即潰。

潰。

當歸

川芎

白芍

黃耆

各一錢五分

熟地

皂角刺

穿山甲

炒

澤瀉

各八分

水煎食前服。

者乃三陰虧損濕熱結聚而成此穴在谷道之前陰器之下又謂之海底穴也初起如豆少癢多痛日久漸大赤腫掀痛潰膿後輕則成漏重則瀝盡氣血變為癆瘵多矣

立方

內消沃雪湯

治懸癰初起增寒疼痛

方見癰疽門

琥珀蠟礬丸

治懸癰并一切癰疽發背已成未成

之際恐毒不能出必致內攻預服以護心膜亦散

丹臺玉篆

六卷

全

毒止痛

明礬

一兩

黃蠟

二錢

琥珀

硃砂

雄黃

各二錢

乳香

一錢

蜂蜜

三錢

前藥俱為細末將蠟溶化再末藥并蜜攪勻衆手急丸如茱萸大硃砂為衣每服三十九白滾湯下病重早晚日進二次神效

神功內托散

治懸癰日久不潰高硬腫痛不可當

者

人參

白朮

各二錢

白芍

當歸

附子

陳皮

穿山甲

木香

各一錢二分

川芎

枳殼

皂角刺

黃芪

各一錢

生薑三片煎八分食前服。

透膿散 治懸癰并一切疽毒已成不肯穿破者服

之即潰。

穿山甲

炒

當歸

各二錢

黃耆

川芎

皂角刺

各一錢五分

水酒各一碗食前熱服。

生肌丸 治懸癰不能收口每日早晚服之即愈。方

丹臺玉案

六卷

全

見發背門

疔瘡門

附癰瘡

疔瘡

夫疔瘡之初生也人多不覺生於頭面手足肚脇腰

腿間亦無定處一二日必作寒熱似瘧頭疼體痛不

可忍其痛法異於尋常之症須遍身覓之有小瘡頭

腫黑根赤色而其形壯者即外疔也又有內疔與外

疔同亦發寒熱但瘡形不見過數日一處腫起即內

疔也。

立方

遺毒飲 治一切內外疔瘡神効。

歸尾

川芎

各入分

荆芥

乾葛

烏藥

獨活

赤芍

各六分

白芷

升麻

各四分

羌活

甘草節

防風

枳殼

紅花

蘇木

各七分

水二鍾煎八分。食遠服。

金蟾丸 治一切疔瘡。

草烏

雄黃

硃砂

海金沙

輕粉

各二錢

蟾酥

三錢酒

化

丹臺玉漿

六卷

叁

右爲末。以蟾酥爲丸。如菘菹大。每服三丸。用蔥白一寸夾藥在內。灰火中煨。令香取起。帶蔥連藥嚼下。白滾湯送之。被蓋出汗。

拔毒丹 治一切疔瘡。

蜚蠊

一個去翅足

礪砂

五分

白礞

三分

右爲末。以蔥汁爲丸。如菘菹大。先以三稜針刺破瘡。將此丸以頰簪脚捺入。須臾大痛。變作黃水而出。

解急飲 治一切疔瘡。

野菊花搗汁一盞。滾酒送下。一日連進三服。

方 馬齒莧搗爛。加醋少許。敷在疔上。立刻拔出。

方 醬板草搗爛。加醋少許。鹽三分。敷患處。神效。

紅玉散 治疔瘡不收口。

輕粉 血竭 各三錢 珍珠 甘草

黃連 鉛粉 各二錢

右為細末。搽上即愈。

代針膏 治疔瘡堅硬作痛。並諸毒難潰者。點上即

時出膿。

丹臺玉案 六卷 益

鹹水二碗。入礪砂五分。煎至一碗。加入礬灰二

兩。待化過。再熬至乾。入白砥末三錢。銀銷末三

錢。仍入好醋研和。收貯器中。

神驗方 治一切疔瘡。初起一敷即散。

爛鷄糞 蝸牛 七個 荔枝肉 一個 杏仁 七粒

銀珠 三分

右四味同爛。鷄糞搗勻。貼在患處。

附癰瘡

立方

九散 治一切頑癬。

斑猫 去翅 足 大楓子 各二錢

川槿皮

枯礬 輕粉 各三錢 白砒 五分

右爲細末醋調擦患處。

又方 治陰癬。

川槿皮 二錢 檳榔 番木鱉子 各五個

以上三味用陰陽水三碗煎至一碗入後藥 全蝎

巴豆 大楓子 肉 斑猫 各十個 麝香 四分

輕粉 三錢

丹臺玉案 六卷 左

右爲末以前藥水調和將穿山甲刮微破用筆蘸塗之六日全愈。

浮萍丸 治一切陰陽頑癬。

紫背浮萍 蒼耳草 蒼朮 各二兩

苦參 三兩 黃芩 麩蠶 鉤藤

蒺藜草 防風 各一兩 五錢

右爲末酒法爲丸每服二錢白滾湯送下。

効妙散 治一切頑癬并楊梅癬亦効。

蜜陀僧 雄黃 各三錢 白砒 二錢 枯礬 五錢

硫黃 火煨。入燒酒煮過。埋土中一宿。一兩。

右爲細末。抓破患處。以煨熟薑切開。蘸藥擦上。七

日全無。

附賺瘡

立方

萬金膏 治賺瘡久不收口。

黃連

粉霜

各三錢

輕粉

鉛粉

各二錢

樟腦

銀硃

各五分

冰片

三分

右爲細末。以豬脂溶化。入前末。留冰片候冷。加入。

丹臺玉案

六卷

全

和勻。攤貼神效。

赤玉膏 治內外賺瘡。

血竭

黃丹

血餘

煨灰

寒水石

煨過各一兩

珍珠

一錢五分

黃蠟

六兩

豬脂

一兩

右爲極細末。先以黃蠟豬脂溶化。再入前末攪勻。

攤貼瘡上。

洗方

黃栢

花椒

杏仁

防風

苦參

荆芥

各等分

右藥水煎去渣洗瘡。以絹拭乾。再貼赤玉膏。

瘰癧門 附湯火 金瘡

瘰癧。皆循於痰毒風熱所致。先起之於少陽一經。因不守禁忌。延及陽明經。緣是食味之厚。鬱氣之積。故發此症也。

立方

真人活命飲 治瘰癧未潰。連服五劑立消。方見癰疽門

紫金錠 治瘰癧初起。磨五錢滾酒下。外以井水磨

敷。方見癰疽門

丹臺玉案

六卷

卷七

飛龍奪金丹 治瘰癧已潰未潰。每服三九。蔥酒送

下。方見癰疽門

蠟礬丸 治瘰癧未潰時。滾湯送下三錢。漸消止痛。

生肌神秘散 治瘰癧潰爛不得收口。搽之。二方俱

見發背門

附湯火

玄妙飲 治湯火所傷。先服恐火毒攻心。

川黃連

天花粉

玄參

陳皮

桔梗

山梔

各一錢五分

淡竹葉廿片煎服。

黑龍散 治一切湯火傷以此敷之。

山木炭

黃連

大黃

各等分

右爲末以生桐油敷患處。

附金瘡

秘驗桃花散

治刀刃所傷出血不止。

石灰

一升

大黃

五兩切片同炒  
紅色歸去大黃

右炒過石灰以水牛膽汁拌勻復裝入膽內陰乾

爲末搽患處。

丹臺玉案

六卷

九

廣瘡門

附結毒

便毒

疳瘡

疔瘡

夫廣瘡者卽楊梅瘡也。總猶濕熱邪火所化。氣之傳染者。輕精化慾。染者重。

立方

托毒飲 治廣瘡初起。

當歸尾

金銀花

天花粉

連翹

各一錢

赤芍

皂角刺

殭蠶

蟬蛻

各六分

芒硝

穿山甲

大黃

各二錢

蜈蚣

一條

水煎空心服。

靈奇飲 治廣瘡一服神效。

麻黃

去節春夏六錢 秋冬八錢

大黃

蟬蛻

威靈仙

白芷

各一兩

以羊肉一觔水五碗。煮去肉。留湯煎藥。熱服出汗。

化毒湯

治一切廣瘡。

川黃連

木瓜

金銀花

苡仁米

各二錢

肥皂子

七箇

皂夾子

七箇

土茯苓

半觔

猪胰子

箇

水七碗。先煎胰子。取汁煎前藥。空心服。

點藥

丹臺玉案

六卷

先

杏仁

取霜二錢

膽礬

輕粉

各八分

冰片

麝香

銀硃

各三分

右為末。醋調點上。

十全大補湯

治廣瘡將愈多服。以補元氣。日後無患。

方見發背門

附結毒

結毒神效方

治一切結毒并筋骨痛。

當歸

川芎

各三錢

肥皂子

七箇

防風

生地

白蘚皮

赤芍

金銀花

牛膝

人參

防已

威靈仙 各二錢

土茯苓 四兩

水四碗煎二碗溫服服後飲酒以助藥力

八寶奇秘散 治一切結毒

鍾乳石

牛黃 各三錢

麝香

冰片 各六分

蟾酥

鴉片 各半分

珍珠

硃砂 各三錢

右為細末收貯臨用時取藥一錢加飛麵三錢同拌勻分作十服每一服加土茯苓一觔水四碗煎

湯調服

丹 玉 案

六 卷

一 百

生肌散

治結毒流膿水不得收口 搽患處 方見發背門

附便毒

祛毒飲 治便毒初起一服即消

金銀花

穿山甲 各二錢

瓜蒞仁 帶殼一個

全蝎 五個

大黃 五錢

牛膝

甘草 各一錢

水酒各半煎服

飛龍奪命丹

消腫定疼

方見癰疽門

吸毒竹筒

治便毒已潰膿出不盡用此

生肌散

治出膿難於收口 搽患處 二方見發背門

附瘡瘡疔疔

龍膽瀉毒湯 治一切下疔。

柴胡

龍膽草

山梔

各一錢

大黃

黃連

滑石

木通

各一錢五分

甘草

五分

加燈心三十莖。食前服。

長肌散

珍珠

一兩

乳香

血竭

各三錢

頭髮

煨灰

絲綿

煨灰

水片

各一錢

右為末。搽患處。

丹臺玉案

六卷

百

碧雲散

治蛙筋疔。先以杏仁煎湯洗。

象牙

泥裹煨  
存性

雄黃

煨

鳳凰衣

煨各一錢

雞肫皮

五箇  
煨

南棗

煨

面粉

珍珠

茶葉

煨灰各二錢

右為末。搽患處。

痔瘡門

附痔漏

夫痔不分男婦小兒皆有。緣富貴之家多患此疾。皆因嗜飲麪酒。過貪色慾。併厚味肥甘。椒薑炙博等物。以致濕熱流注大腸之經。積而成痔。蘊蓄日久。則變

為漏矣。

立方

和榮清火湯 治痔瘡疼痛。

槐角子 連翹 枳殼各一錢 川連

當歸 川芎 桃仁 生地

赤芍 各一錢五分

加燈心三十莖煎服。

壯氣收腸湯 治番花痔腸落不收。

黃耆 人參 當歸 川芎

丹臺玉案 六卷 一百

廣木香 金銀花 川連各一錢 升麻七分

黑棗二枚煎服。

蝟艾丸 治一切痔瘡出血裏急後重。

艾葉 槐角 地榆 當歸

川芎 刺蝟皮 貫衆各一兩 頭髮散存性三錢

豬後甲十箇灸焦

右為末蜜丸每服三錢空心米飲下。

熊水散 治內痔。

熊膽 水片 蘆薈 雷丸各二錢

鉅効 五分

右爲末以胡蘿蔔煨半熟綿裹蘸藥入幽門

附痔漏

清潤湯 治一切痔漏

防風

秦朮

各一分

生地

當歸

川連

阿膠

各二分

水煎食前服

秘靈丹 治一切遠年近日痔漏神効

血竭

乳香

沒藥

全蠍

去頭足

丹室玉案

六卷

一三

蟾蠶

蟬蛻

各三錢

大黃

酒蒸

當歸

象牙

挫末各八分

穿山甲

炙

頭髮

煨

珍珠

各四分

川連

槐花

琥珀

各五錢

青黛

刺蝟皮

各二錢五分 醋浸去刺炙

右爲末以黃蠟八兩溶化入蜜一兩同前末攪勻

衆手爲丸每服二錢空心清茶送下

耳瘡門

附諸蟲入耳

夫耳瘡皆緣三焦濕火肝經風熱並腎家虛火妄動

而成瘡者是也

清肝抑火湯

石菖蒲

川連

各三錢

龍膽草

山梔仁

柴胡

當歸

各一錢五分

龍眼肉五枚。空心煎服。

珍奇散 治耳瘡並耳內流膿

珍珠

蘆甘石

各一錢

紫草茸

各三錢

麝香

枯礬

各二分

右為細末吹入耳內

丹臺玉案

六卷

一百四

附諸蟲入耳

蠅蚊諸細蟲入耳。以麻油滴數點入竅。蟲自死。取出。

蜈蚣蜜蜂等大蟲入耳。以肉炙香。安耳邊。其蟲聞香自出。

自出

有蟲夜間暗入耳者。宜正坐點燈光向耳邊。其蟲自出。

出

諸蟲咬

蜈蚣咬。取蜘蛛一枚於上。即吸其毒立愈。

壁鏡咬。醋磨大黃塗之。

毒蛇咬。雄黃爲末。藍葉搗汁調敷。內以半枝蓮取汁入酒和汁服。

蜘蛛咬。毒入肉。取芋汁塗之。

蝮虫咬。人形如大痲風。脅鬚皆落。以濃鹽湯浸浴。數次愈。

蝎咬。白礬一兩爲末。醋半碗煎滾入礬末。浸螫處。外以并泥敷之。

蠮螋。迺妖蟲也。隱於牆壁間。尿射人影。遍體生瘡。如湯火傷。以鷄翅毛燒灰。麻油調敷。

升臺玉案

六卷

一五

蜈蚣咬。取地下青苔擦之。又方。以耳末搽上。其痛

立止。

諸獸傷

馬咬。獨顆栗燒灰。搽上。

鼠咬。麝香爲末。唾調塗。或用貓毛燒灰。裹之。

猫咬。薄荷汁塗。

猪咬。松脂鎔作餅子貼。又方。屋溜中泥塗。

虎咬。明礬爲末。搽傷處。裹之。止痛立愈。

狗咬。花椒煎水洗。茵草爲末。麻油調塗。

